

المركب كي المركب كي المركب كي





مليين سرود

داعزت دهرافغان دی هربچی یې قهرمان دی د بلوڅو د ازبکو د بلوڅو د ازبکو د تاجکو د ترکمنو د تاجکو پامیریان، نورستانیان هم پشه یان هم ایماق، هم پشه یان لکه لمر پر شنه آسمان لکه زړه وي جاویدان وایوالله اکبر وایوالله اکبر





بلوچى ينچم صنف

چاپئ سال: هـ. ش. ١٣٩٩

کتابئ درستی کنگ

مضمون: بلوچیی زوان

نویسوکان: تعلیمیین نصابئ بلوچیئ بهرئ نویسوکین ډل.

ایدت کنوک: بلوچیئ زوانئ در سیین کتابانی نویسوکین ډل.

صنف: پنچم

متنئ زوان: بلوچی

دیمری دیوک: تعلیمیین نصابئ دیمری و درسیین کتابانی لیکگی مزنین ریاست.

شینگ کنوک: معارفی وزارتی عامه ین آگاهی و ارتباطی ریاست.

چاپئ سال: هجری شمسیی ۱۳۹۹

ایمیل آدرس: curriculum@moe.gov.af

درسیین کتابانی چاپ، بهر وبها کنگئ حک په افغانستانئ اسلامیین جمهوریی معارفئ وزارتا ساتتگنت. به بازارا زیتن و بها کنگش منع انت گون خلافان قانونیین سلوکی بیت.

معارفي وزيرئ پيگام

اقرا با سم ربك

پاکین خالقی با زین حمد و ستا که اماره هستی دات و ونتن و نمشته کرتنی مزنین نعمتی واوند کرت و بازین درود په خاتم رسول حضرت محمد مصطفی که خداوند کی اولی پیگام په آیی (ونتن) انت. چوکه په درستان روش و درا انت. هجری شمسیی ۱۳۹۷ سال به معارفی سالئ ناما نام گپتگ بوت. پمیشا به امئ و طنا به تعلیم و رود ینگئ نظامئ جتاجتاین بهران بازین بنیادیین بدل بوگی کیت: معلم، وانندگ، کتاب، مکتب، اداره و ماس و پسانی شورا افغانستانئ معارفئ شش بنیادیین بهرزانتگه بنت که به وطنئ تعلیم و رودینگئ و د و دیمرییا مزنین تاثیری دارنت. به انچین قسمت جو په کنوکین و هدی، افغانستانئ معارفئ رهدربریی مزنین خانواده تعهد کرته که به وطنئ تعلیم و رودینگئ انونیین نظامئ و د و دیمرییا بنیادیین بدل بوگی بیاریت.

شه همی روگها تعلیمیین نصابئ اصلاح ودیمریئ شه معارفئ وزارتئ سرئ کاران انت. به ای بهرا تعلیمیین نصابئ اصلاح و دیمریئ، کتابانی مزند و محتوای گهبودی و به مکتبان و مدرسه ان،سر کاری و خصوصیین بنیادان درسیین کتابانی رسینتن و بهرکرتن به معارفئ وزارتئ پروگرامانی اولسرا جاه داریت. اما باوردارن، اگه کتاب جوانین کیفیتی داشتگ مه بنت، وطنئ تعلیمیین سک و پرواکین مخسدانا به دستا آورتگه نه کنن.

په یات بوتگین مخسدانی به دستا آورتن و یک کاریین هیل زورگیین نظامی رسگا شه مچین وطنی دلسو چین معلم و مدرس و زانگ و کمالی واوندین مدیران که آیوکین نسلئ رودینوک انت، په عزتداریه لوټن که په ای درسیین کتابئ هیل داتن و آیی مزند و محتوای رسینتنا به امئ عزیزین فرزندان شه هررازئ کوشستی پدا مه کنزنت و به کاری و سرپدین نسلی تعلیم ورودینگا گون دینی وملیین ارزشتان گون ایراد گروکین فکری کوشست بکننت. هر روچ سر تعهد و ذمه واریی منگئ نوک کرتنا گون ای نیتاسبخ داتنا گروکین فکری کوشین آیوکی عزیزین و انندگ، تاثیر دارین رودینتگ بوتگین شهروند و آبات و دیما شتگین افغانستانی جو رکنوک بنت.

همی رازشه عزیز ودوستین وانندگان که وطنی باندی روچئ پرارزشین پیه و سرمایه انت لوټین که رساکا مه شموشنت و په باز ادب و احترام گون علمیین پټ و پولی شه عزیزین معلمانی سبخا په جوانی کټ بزورنت ووتی عزتمندین معلمئ زانگ و علمئ اوشگ چین بنت.

گلهسرا شه وطنئ هیل دیوکین کارزانتان، تعلیم ورودینگی دانندگان و تعلیمیین نصابئ فنیین بهرئ همکاران که په ای درسیین کتابئ بریبرکرتنا شپ و روچ کوشست کرتگش قدر کرته وشه مزنین خالقئ دربارا په آوان به ای پاک وانسان جوړ کنوکین راها سوب وکامیابیه لوټین.

به یک معیاری و دیماشتگین معارفی نظامی دسترسی و آبات و دیماشتگین افغانستانی رسگئ اومیتا که سرید، آزات و آسوده حالین شهروندانی واوند بیت.

دكتور محمد ميرويس بلخي معارفئ وزير

لړ

| ديم | سرگال | اشمار |
|-----|-----------------|-------|
| ١ | خدا"ج" | ١ |
| ٥ | حضرت محمد "ص" | ۲ |
| ٩ | نیکین کار | ٣ |
| ١٣ | همسروگئ حک | ٤ |
| 17 | بش وزولانی ساتن | ٥ |
| 71 | واكسين كُرتن | ٦ |
| 40 | زرنجى شار | ٧ |
| 79 | آسمانک | ٨ |
| 44 | گون انسانان مهر | ٩ |
| *** | مَتل و گالوار | ١. |
| ٤١ | کارئ کټ | 11 |
| ٤٦ | خان محمد سماجی | ١٢ |
| ۰۰ | تلويزيون | ١٣ |
| 0 £ | وطنئ آباتى | 18 |
| ٥٨ | دمو کراسی | 10 |
| 77 | اسوتى | ١٦ |
| ٦٦ | علم روشنی انت | 17 |
| ٧٠ | جوانین ورگی | ١٨ |
| ٧٤ | درایی | 19 |
| ٧٨ | موزيم | ۲. |

| ديم | سرگال | اشمار |
|-----|------------------|-------|
| ۸۲ | پارلمان | 71 |
| ٨٦ | غالى گواپى | ** |
| ٩. | مهمانانی عزتداری | 74 |
| 98 | و يتامين | 72 |
| 9.۸ | نسوارى تاوان | 40 |
| 1.7 | کسانین زاگ | 77 |
| ١٠٦ | نکل | ** |
| 11. | بزانت بلد | 44 |
| 110 | معارفي ترانه | 49 |

خداوند

- مخسد:
- ★ وانندگ بواننت وبلكنت.
- ★ بزاننت که هر چیا خداوندﷺ ودی کرته.
- ☀ اما خداوندﷺ بندگن و آیرا عبادته کنن.
 - ☀ مقداری قیدا بزاننت و درست کننت.



حُست

- ای مچین جهانا کئ ودی کرته؟
 - اما کي بندگن؟
 - هر چیی روزیا کیه رسینیت؟

خداوند (ج) مچین جهاناودی کرتگیت، آیی واک مزن انت. آ، انسان، حیوان، ډگار، آسمان، جرودار، کوه و سنگ، ماه و روچ و گرد کایناتا ودی کرته خداوند (ج) اماره که متی گل اتن ساه، جان وزوان دات، آشه هرچیا سی و سریدانت.

آء هر چیاودي کرته و هر چیی روزیادنت. خداوند(ج) وتی پیغمبر و قرآن مجیدا په امئ راه نشان دیو کیا دیم داتگیت. به هر نفسي که کشن، آیی نام به امئ زوانئ سرا انت، هر چنکس صفت بکنن، به آحدوکچانا که آیرا برازیت رستگه نه کنن.

اما مُچ پاکین خداوند(ج) بندگی و عبادتا کنن و زانن که بیدي آیی د گري انچین واکي نه داریت. به آیی درگها امیت دارن، چیزیکه امر کرته تسره رسینن وشه چیزیکه منع کرته دوریه کنن.

اما گون طیبه کلیمه گشتن،پنچ وهده نمازی وانتن، به روچگی ماها روچگی گیتن، زکاتئ داتن و حجی شتنا مچین چیزیکه په اما فرض بوته تسره رسینن و پاکین خداوند^(ج) بندگاکنن.

اما شه خداوند(ج) لوټن اماره واک ووس بدنت که خیرو جوانین کارانا تسر برسینن وطنئ آباتی و ترخیی فکرابن، نیکی وجوانی بکنن و کسی شه اما گندگی و پازابی مه گندیت.



- ای سبخی نوکین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بیت و گون وت په خداوند (ج) واک و مزنیی بارواهبر بدیت، شه هر ډلي یک یک وانندگ به تختئ پانادابه صنفئ دیما بوشتیت، رندا په وار په یکی آدگرئ رنگ، دروشم، مود و چهرگئ باروا هبر بدنت که آیرا خداوند (ج) به وتی کدرتاداته.
 - سبخا کرار بیتوار بوانت و گون ای گالان جالگی جملانا پوره بکنت.

ودي

مزن

هرچيا

روزيا

امي

ديم

خداوند(ج) مچین جهانا _____ کرتگیت. آیی واک _____ انت آ ____ و دی کرته و هر چیی ____ دنت.

خداونـد(ج) وتـی پیغمبـر و قـرآن مجیـدا پـه _____ راه نشـان دیوکیـا _____ داتگـت.

فزيزين واننده كان!

- سئ وانندگ ای سبخی یک یک بارا په برزین تواری بوانیت.

مقداري قيد:

مقداری قید حد و کچانا روشه کنت چو:

کموکی، باز، گیشتر، بس، کم، لهتین، چیزی، مچ، مچین، درست، گیش، تیوگین، دراین، گرد.

- سبخا بوانت و جائیکه مقداریین قیدی کلیمه گندت آوانی جملانا به و تی کتابچهان ملکت.
- چیزیکه انون گشتگه بیت په جوانی املا بلکت و جائیکه زانت ټک، کامه، سوالیه و ندائیه علامهانا بلت.



چنت جمله بلکت که به آوان گیش، گیشتر، لهتین و گرد کلیمه بیاینت و مقداریین قیدا نشان دینت.



چیزیکه انون گشتگه بیت په جوانی بشکنت ورندا جُستانی پسوا بگشت.

۱- خداوند(ج) اماره به چیا امر کرته؟

۲- خداوند (ج) اماره شه چیامنع کرته؟

٣- اما كي رمان زورن؟

٤- اما په کې وشنوديا کوششه کنن؟

٥- اما شه خداوند(ج) چي اميت دارن؟

- چیزیکه دیما شه جستان او شکتت سئ وانندگ په رون شه بر په وتبی دگه همراکان نگشت.

په ای گالان یک یک جمله جوړ و به وتی کتابچهان بلکت.

مچين

صفت

اميت

نیکی

بَن

لوټن

- سبخی ای بهرا «خداوند(ج) مچین جهانا و دی کرتگیت، آیی واک مزن انت آ انسان، حیوان، ډگار، آسمان، جرو دار، کوه وسنگ، ماه و روچ و گرد کایناتا ودی کرته. خداوند(ج) اما ره که مټی گل اتن سا و جان وزوان دات آشه هر چیا سی و سرپدانت» په رون په برزین تواری بوانت.

حضرت محمد علية

مخسد

- ★ وانندگ بواننت وبلكنت.
- ☀ گون حضرت محمد ﷺ نیکین اخلاق و برزین صفتان گیشتر درستی بنت.



ء **حُست**:

- ای عکسی باروا چیه زانت؟
- كئ حضرت محمد عَلِيلَةُ صفتاني باروا هبرداتگه كنت؟

الله پاک اسلامئ مزنین پیغمبر حضرت محمد عَلَیْ ابد مانین عزتی دات. حضرت محمد عَلیه شه کسان سالیا نیکین اخلاق و جوانین تب و خوی واوند ات. آگون و تی هم گوازی و ایشک و آشکی مردمان دوستی و مهرو محبت داشت. جامح یکی شه حضرت محمد عَلیه هم گوازیان بازسُلب، جنگره و بدخوین زاگی ات، به گوازیی و هدا مدام جیړه و جنجاله کرت.

یک رو چی به گوازیی و هدا جامح یک گونهوی جورینگا که باز جوانین زاگی ات بنا کرت. سرا گونهو حوصله کرت و هیچ چیزیه نه گشت، مگه جامح آیرا نه اشت گهسرا جنگا بناکرتنت. جامح و آیی همرا پدبه پد گونهوا آنکرا جتنت که سرو دیمی

حون بست و پُچی در تنت. به همی وختا محمد ﷺ شه گسا آت و دیست که بی چارگین گونهوا لټ و کټه کننت. همادما گونهوا شه آوانی غضبا الاس کرت و آیرا گون وت به وتی گسا برت وای هبرا گون وتی ماساگشت. آ مبارکی ماس، گونهوی دیما ششت و آیی پچانی حاک و پلکانا پاک کرت. محمد ﷺ دیما سونی وتی ماسا گردینت و گشت: ماسی جان، هما نوکین پُچانا که په من دوتگی گجا انت؟ منی دوستی پُچ درتگنت، منی پچانا بیار و آیی گورا بکن. ماسی آیی پُچانا آورت و به آگونهوی گورا دات.

آگونډين زاگ شه حضرت محمد عُلِيكُ نيكى و مهربانيا بازوش بوت و وتى غم وُغصا شموشت.



- ای سبخئ نوکین گالانا سیایگ بکنت.
 - دو وانندگ په رون ای سبخا بوانیت.
- پنچ ډل بیت و گون وت په حضرت محمد ﷺ نیکین اخلاق و جوانن تب و خوی بارواهبربدیت.
- پنچ وانندگ په رون ای جستانا یک یک بگشت وشه هر ډلی یک وانندگی پسو مدنت.
 - ١- حضرت محمد عُلِيلًة به كسان ساليا چونين اخلاق وخوى داشت؟
 - ۲- جامح چونین زاگی ات؟
 - ٣- دميكه حضرت محمد عُلِيلَةُ گونډوا شه آواني دستا الاس كرت گجا برت؟
 - ٤- گونډو شه کې نيکيا وش بوت؟
 - ٥- اما كه حضرت محمد ﷺ امت ان بايد چونين خوو تبي داشتگ بن ؟



- سئ وانندگ په رون ای سبخئ یک یک بارا په برزین تواری بوانیت.

حالت و ترتیبی قید:

حالت و ترتیبی قید هما انت که فعلی (کاری) تسررسگئ و پو پولا نشانه دنت چو: کرار، زو زو (زوت، زوت)، کرار کرار، جیان(په جستن)، سرا،هندان، ډل ډل، ناگتا، پدبه پد، یک یک،بولک بولک، سراپ سراپ په گریوگ په دل جمعی، چاپ جنان، په زور، په تراټ، ترند، تیز،کنټ و دگه چو:

ډل ډل شتنت.

يک يک آتنت.

یه تیزی شتنت.

- چیزیکه انون گشتگه بیت په جوانی بلکت و جائیکه زانت ټک، کامه سوالیه و نـدائیی علامهانا بلت.

- سئ و انندگ په مهربانی و دلسوچیی که حضرت محمد ﷺ په بیگنائین گونډین زاگا کرت په رون هبر بدنت.



ای سبخا به وتی کتابچهان بلکت و په وتی کهولی باسکان بوانت.



چیزیکه انون گشتگه بیت په جوانی بشکنت ورندا جُستانی پسوا بگشت.

۱-کئ گون وتی دوستان به سفرا همراه ات؟

٧- آچيه لو ټتنت؟

٣- اولي چي گشت؟

٤-دومي چي گشت؟

٥-سومي چي گشت؟

٦-وختيكه مچين په وت وظيفه گپتنت چون بوت؟

- سئ وانندگ چیزیکه دیما شه جُستان او شکتت یکواردگه شه بر بگشیت.

- په ای گالان یک یک جمله جوړو به وتی کتابچهان بلکت.

سُلب

جوانين

الأس

واوند

- سبخی ای بارا الله پاک اسلامی مزنین پیغمبر حضرت محمد الله ایدمانین عزتی دات. حضرت محمد الله ایدمانین عزتی دات. حضرت محمد الله شه کسان سالیانیکین اخلاق و جوانین تب وخوی واوندات په رون په برزین تواری بوانت.»

نیکین کار

مخسد:

- * وانندگ بوانت و بلکنت.
- ★ نیکین کارئ کدرا بزانت.
- ★ وتراگون نیکین کارا هیل دینت.

حُست:

- نیکین کار چه پیدگی داریت؟
- شه شما گجام یکین گیشتر به نیک کاریاشه دگران سرانت؟

نیکین کاری آسروپا بازجوان انت، هر چنکس که مردم گون نیکین کارا خوبگیت به هما کچانا په وت و په دگران پیدگ و کټ رسینتگه کنت.

نیکین کاروړوړا تسر رستگه کننت که شه آوان مزنین اجتماعیین تاثیر ودیه بیت کسیکه مزنین واکی واوند انت و شه ای واکا په عدل و انصاف و دگرانی حکانی برجا بوتنا کاره گیت و یا یکی گون دگری په آیی سکیی دور کرتنا کوپگه دنت ایش نیکین کار گشتگه بنت.

امی عزیزین هموطن به نیکی و نیکین کاران نام و تواری واوند انت و به هر جاگئ برزین دستی دارنت. باز محمد یکی شه وتی هلکی نیک کارین مردمان انت، آ به کشاری آپداری و گله و دانگی درو و دستگی وهداگون وتی هلکی کشارگران کمکه کنت و لهتین وختان هلکی ورنا هانا کټوکین پنته دنت و سوگه کنت که و تراشه گندکین کاران دوربساتت و نیکین کاری پدابگرت، پرچیکه نیکن کار پشیمانی نه داریت و و ترا انچوخوبدیت که چیر کایی کسی چیزامه زورت اگه بازین واک و وسی دارت شه وتی واک و وسا په دگرانی نپ و کټا کار بگرت و ایشا بزانت که وشنام و سوبین کس هما انت که نیکین کارا نا تسره رسینت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بیت و هر ډلی گون وت په نیکن کاری با رواهبر بدیت رندا په نیکین کارئ با روا به ای جالگئ یات بو تگین جاگهان یک یک کشک به و تی کتابچهان بلکت.

نیکین کار به راها

نیکین کار به مکتبا

نیکین کار به صنفا

نیکین کار به جائیکه زندگیه کنن.



- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په جوانی بلکت و جائیکه لازم انت ټک، کامه،سوالیه و ندائیه علامهانا بلت.
 - سئ وانندگ په رون نيکين کاری باروا هبرېدنت.
 - جالگئ بی ډولین جملانا په ډول بلکت.
 - ۱- انت مردمان نیک کارین هلکی شه وتی یکی بازمحمد
 - ۲- آکنت کمکه کشار گران هلکی وتی گون.
 - ٣- دنت پنته كټوكين ورناهانا هلكي وختان و لهتين
 - ٤- بساتنت دوركاران گندگين شه وتراكه كنت سوگه
 - گون ای گالان جالگئ جملا نا پوره بکنت.

آسر

هرچنکس

په وت و

نیکین کاری _____ و پاجوان انت، ____ که مردم گون نیکین کارا خوبگیت به هما کچانا په ____ دگران پیدگ وکټ رسینتگه کنت.



ای سبخئ اولی بارابه وتی کتابچهان بلکت و په وتی کهولی باسکان بوانت.



- چیزیکه انون گشتگه بیت په جوانی بشکنت ورندا جُستانی پسوا بگشت.

حُست

۱- نیکی چونین آسری داریت؟

٢- نيكيي بروكټ چون انت؟

٣- چه زیانه نه بیت؟

٤- اگه اما گون د گران نيكي بكنن چونه بيت؟

٥- كئ شريك مال انت؟

- چیزیکه دیما شه جستان گشتگ بوت سئ وانندگ یکوار دگه شه بر بگشیت.

په ای گالان یک یک جمله بلکت.

نیکین کار

خو

وشنام

واوند

يشيماني

- سبخی ای بارا «نیکین کاری آسروپا بازجوان انت، هر چنکس که مردم گون نیکین کارا خوبگیت به هما کچا ناپه وت و په دگران پیدگ وکټ رسینتگه کنت».

په رون په برزين تواري بوانت.

همسروگئ حک

مخسد

- * وانندگ بواننت وبلکنت.
- ☀ همسروگئ حکانا بزاننت.
- * همسرو گئ كدرا بدارنت.



حُست

- همسروگ چیا شنت؟
- کئ وتی همسروگانی ناما زانت؟
- اما باید گون همسروگان چونین سلوکی بدارن؟
- اگه گون همسروگان جوانین سلوکی مه کنن چونه بیت؟

انسان اجتماعیین زندگی واوند انت. به جائیکه زندگیه کنت تانکا نه انت بلکین همسروگ و همپل به ایشک و آشکی زندگیه کننت که همی همسروگ به یک آدگری سرا حک دارنت.

هر کس که گون و تی همسروگان جوانین سلوکی داریت و آوانی عزتا کنت آیی همسروگ هم آیی عزتاکننت و و ترا به آیی غم و و شحالیا شریکه زاننت و نه لو ټنت که گون سکی و غما دیم په دیم بیت همسروگ، په و تی سکی و سوریانی حلاینگا، مدت و دستگیر یه کننت و و تی لوگ و هلکی کارانا،گون یکی آدگری سلاو شورا تسره رسیننت اگه یکی کار دربر تنی و سا داشتگ مه بیت ، دو کو حشرویگجایین ډولی آء کارا تسره رسیننت، پمیشا جوانین همسروگی و همپلی جوانین پاو آسری داریت و شه همسروگانی نیکین سلوکا به آوانی میانجینا مهرو تیاک و دیه بیت.

اما وتی همسروگانا په برزین چمی گندن و آوانی عزتا دارن اگه په امی کمک و مدتا اړبنت کاسی وتی واک وتوکاگون آوان کمکه کنن.



- ای سبخئ نو کین گالانا(کلیمانا) سیایگ بکنت.
 - دو وانندگ نوکین سبخا په رون بوانیت.
- پنچ ډل بیت و هرډلی په همسروگئ حکانی باروا گون وت هبربدیت ورندا یکی شه شما یه مچان، په همسروگئ حکانی با روا هبربدنت.
- په جالگئ جملئ پوره کرتنا سئ پسو داتگ بوته که شه آوان دو راست انت، آوانا ودی ورندا به وتی کتابچهان بلکت همسروگ هما انت که په امئ گسئ ________ زندگه کننت.
 - ۱. نزیکا
 - ۲. دورا
 - ۳. یانادا



- سئ وانندگ ای سبخئ یک یک بارا په برزین تواری بوانیت.
- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و ندائیه علامهانا بلت.
 - سئ وانندگ يه جوانين همسايگئ صفتاني باروا هبربدنت.
- په ای جملانی پوره کرتنا دو پسو داتگ بوته هما که راست انت ودی ورندا پورهین جملا به و تی کتابچهان بلکت.
 - شه نیکین سلو کا به همسایگانی میانجینا ______ ودیه بیت.
 - ۱. دوستي و تپاک
 - ۲. جتایی و نیاک
 - همسایگ سکیانا په _____ حله کننت
 - ۱. حشروتپاک
 - ۲. تانکایی
- جوانین همسایگ داری په گجام یکی شه ایشان جوان انت، مالوم و په دیمی (ص) بلت.

| په مُچان | په مزنان | په ورناهان | په کسانین زاگان |
|----------|----------|------------|-----------------|
| | | | |



هر گجامی شه شما ای سبخا به و تی کتابچهان بلکیت و په و تی کهولی باسکان بوانیت.



- چیزیکه انون گشتگه بیت په جوانی بشکنت ورندا جستانی پسوا بگشت.

حُست:

۱- جائیکه زندگیه کنن کئ یه امانزیک انت؟

۲- اما باید چیی کدرا بزانن؟

٣- گون همسایگان چونین سلوکی بکنن؟

٤- نيكي و كمك به امي ميانجينا چه وديه كنت؟

٥- وتى سكيانا چون حلاينتگه كنن؟

- چیزیکه دیماشه جستان گشتگ بوت سی وانندگ په رون یکواردگه شه بربگشیت.

په ای گالان جمله جوړ کنت.

انسان

همسایگ

کمک

نيكين

برزين

ار

- سبخی ای بهرا "هـرکس کـه گـون وتـی همسـایگان جـوانین سـلوکی داریـت و آوانـی عزتاکنت آیی همسایگ هم آیی عزتاکنت ووترا به آیی غم و و شحالیا شـریکه زاننـت" په برزین تواری بوانت.

بش و زولانی نپ و کټ

مخسد:

وانندگ بواننت و بلکنت بش و زولانی پیدگا بزاننت و په آوانی ساتنا د لگوش بکننت



حُست:

۱- بش وزول چیاشنت؟

۲- بش وزول چی پیدگ دارنت؟

٣- بش و زولا ديستگت؟ گجا

شه و پر و پری نهالانی نادینتن، آپ داتن و ساتنا بش و زول جو پره بنت هر چنکس و هـ ده و وخته گوزیت ای در چک ردنت و ده کننت و مزنه بنت و پراه و شابیدین جـاگهی را سـر سبزو براهداره کننت.

بش و زول دگارا جوانه ساتنت، هوا پاک و صافه کننت، که صافین هوا زندگیی مزنین ایری انت. هر جاگهی که بش و زول بیت اکسیجن بازانت و اودا که بش و زول نه انت

جور دارین چیزیا کاربن دای اکساید که به انسانی چا گردی سراگندگین تاثیری داریت بازانت.

بش وزول نه تانکا په ډگاری براهدار کرتن وسر سبزیا جوان انت بلکین شه بش وزولانی لپان په تندور و آچش و باز چیزانی جوړ کرتنا به نجاریا کارگپتگه بیت که مشماهر گجامی گندن و زانن بلی به دیما شتگین وطنان شه بش وزولانی لپان الکول، گلوکوز، کاگد، جوړ کرتگین ابریشم، سیایونک، کتیره(لچینوک)، رنگ، پنسل، پنسل پاک، جک، مزواک، لاستیک، عکاسیی فیلم، چاپی رنگ، صابون، ترشپی، دسگ، لولوکانی زیان کنگی دارو و بازین وړوړی چیزدگه به دستا کارنت.

ادا دورگندی و دلسوچیی ضرورت انت. په ایشی که جوانین هوا و سبز و براهدارین چا گردی داشتگ بن و آیوکین نبیرگ شه کدرتیین پیه و سرمایا بی بهرمه ماننت، نها ل بنادینن، بش وزول و درچک و نهالانا آپ بدین و بساتن که امئ جاگه و هندی بش وزول و سرسبزی که ای جاگهی براه و ډیل انت مدام ماننت، و دبکننت و مزن بنت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بيت و هرډلی په بش و زولانی کدرئ با روا گون وت هبربديت.
 - جالگئ جملانا گون ای گالان یوره و به و تی کتابچهان بلکت.

دیمگیری نادینتگنت آپ

درچک و نهالیکه دگه _____، بدین شه آوانی سستن،گهتن و لگتموش بوتنا _____ بکنن



- سئ وانندگ په رون ای سبخئ یک یک بارا په برزین تواری بوانیت.

چیزیکه انون گشتگه بیت په جوانی بلکت و جایکه لازم انت ټک، کامه سوالیه و ندائیه علامهانا بلت.

- جالگئ جملانا بوانت و شه سئ پسوا دویی که راست انت ودی و رندا به وتی کتابچهان بلکت.

هرجاگهی که بش و زول بیت او دا

۱- گندگین هوای داریت.

۲- صاف و پاکین هوای داریت.

۳- سیایگ و سردین هوای داریت.

هرجاگهی که بش وزول مه بیت

۱- صاف و پاکین هوای داریت.

۲- گندگین هوای داریت.

۳- هشک و سوچوکین هوای داریت.

- بش وزول و سرسبزی په کې پيدگ و کټا انت، مالوم و به ديمې ص بلت.

| په امامچانی | په مالاني | په باگدار و کشارگرانی |
|-------------|-----------|-----------------------|
| | | |



هرگجامی شه شما په بش وزولانی پیدگ و کټا سئ کشک به وتی کتابچهان بلکت و په وتی کهولئ باسکان بوانت. - چیزیکه انون گشتگه بیت په جوانی بشکنت ورندا جستانی پسوا بگشت.

۱ – انسان په جوانين زندگيا په چيا اړانت؟

۲- جوانین چارگرد شه چیا جوړه بیت؟

۳- په جوانين چارگردی د اشتنا به چيا دلگوش بکنن؟

٤- صافين هوا شه چياوديه بيت؟

٥- پچى پاك و صافين هوا باز كدر داريت؟

٦- بش وزولاني ساتن کي کار انت؟

- چیزیکه دیماشه جستان گشتگ بوت، سئ وانندگ په رون شه بربگشیت.

- گون ای گالان جمله جوړ کنت.

اړ

چار گرد

نجار

- سبخئ ای بارا «شه و پر و پری نها لانی نادینتن، آپ داتن و ساتنا بش و زول جو پره بنت هر چنکس و هده و و خته گوزیت ای در چک ردنت و ده کننت و مزنه بنت و پراه و شابیدین جاگهی را سرسبز و براهداره کننت» یه رون یه برزین تواری بوانت.

واكسين كرتن

مخسد:

- وانندگ کلیمه و جملانا په جوانی بواننت و بلکنت.
 - واكسينانا درست كننت و فايدگيش بزاننت.



ءُ حُست:

- واكسين انسانا شه گجام ناجوړيان ساتيت؟
- اگه گونډين زاگ واکسين مه بنت چيه بيت؟
 - واكسيني وختا بايد چون كنن؟

واکسین کرتن په گروکین (ساریین) شش ناجوړیانی دیم گیریا پیدگ وکټ داریت. گونډین زاگ (بَچَک و جِنک) که عمرش شه پنچ سالا کمتر انت گون واکسینا شه دیفتری، سوروک، گرومپوک، خرختی، فلج وتیتانوسی ناجوړیا ساتتگه بنت. دیفتریی ناجوړی به زمستانی موسم و سوروک وخرختیی گروکین ناجوړی به بهاری موسما ودیه بنت. ای ناجوړیانی دیمگیری گون واکسینا بیت که هما گونهین زاگ که عمرش شه پنچ سالان کمتر انت پولیوی واکسین په وارتنا آوانا داتگه بیت و آدگه ناجوړیانی دیمگیریی خاطرا گونډین زاگ سوچن جتگه بنت.

په ایشی که ناجوړیانی دیم په جوانی گپتگ بیت و انسان شه عیبی و علتی بوتن و دگه خطران برکنت باید په کسانین زاگانی پورهین ډولی واکسین کرتنا دلگوش داشتگ بن و مچین کمتر شه پنچ سالین کسانین زاگانا به معینین وهده و پاسی واکسین بکنن و وتی دوست و همپلا نا هم شه گروکین (ساریین) شش ناجوړیی خطر و واکسینانی پیدگ و کټا سی و سر پدکنن که مزنین کچانی ای ناجوړیانی دیم گپتگ بیت.



- ای سبخئ نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بيت و هر ډلي په واکسيناني پيدگ وکټي باروا گون وت هبرېديت.
- سبخا کراری بوانت ورندا به جالگئ جملا دگه ناجوړیانی ناما بلکت که گون واکسینا دىمگېر به بنت.

دیفتریی ناجوړی به گجام موسمی هوا ودیه بیت.

- ١. لوارئ هوا
- ۲. تيرماهئ هوا
- ٣. زمستانئ هوا
 - ٤. بهارئ هوا

- سئ وانندگ په رون اي سبخئ يک يک بارا په برزين تواري بوانيت.
- چیزیکه انون گشتگه بیت په جوانی بلکت و جائیکه لازم انت ټک،کامه، سوالیه و ندائیه علامها نا بلت.
- سئ وانندگ په رون په ایشی که گجام واکسین گونډین زاگانی د پی تها پټینتگه بیت هبربدنت.
 - سوروک و خرختی وډگه ناجوړی به گجام موسما ودیه بنت.
 - ١- زمستاني موسما
 - ۲- لوارئ موسما
 - ٣- تيرماهئ موسما
 - ٤- بهارئ موسما
- هماناجوړیانی ناما به وتی کتابچهان بلکت که گون سوچن جتنا دیمگیری کرتگه بنت.
 - واکسین کرتن په گجام یکی شه ایشان پیدگ داریت، مالوم و به دیمی ص بلکت.

| كمتر شه پنچ سالين جنك و بچكان | ورناهان | نوك ورناهان |
|-------------------------------|---------|-------------|
| | | |



ای سبخئ اولی بهرا به وتی کتابچهان بلکت و په بـرزین تـواری پـه وتـی کهـولی باسـکان بوانت. - چیزیکه انون گشتگه بیت په جوانی بشکنت ورندا جُستانی پسوا بگشت.

۱- غـدیما کـه واکسـین ودی نـه بوتـت کسـانین زاگ کـه گـون دیفتـری، سـوروک، گرومپوک، خرختی، فلج و تیتانوسا آخته بوتنت چونه بوت؟

۲- وختیکه واکسین و دی بوت چون انت؟

٣- په گجام زاگاني واکسينا بايد باز دلگوش بيت؟

٤- اگه كسانين زاگ واكسين مه بنت چيه بيت؟

٥- امئ وظيفه چي انت؟

- چیزیکه دیماشه جُستان گشتگ بوت یکوار دگه سئ وانندگ په رون شه برېگشت.

- په ای گالان جمله جوړ بکنت.

واكسين

گرو کین

دیم گیری

گونډين زاگ

- سبخی بنیادین بزانتا "واکسین کرتن په گروکین شش ناجوړیانی دیم گیریا پیدگ وکټ داریت. گونډین زاگ که عمرش شه پنچ سالا کمترانت گون واکسناشه دیفتری، سوروک، گرومپوک خر ختی، فلج و تیتانوسی ناجوړیا ساتتگه بنت". په رون په برزین تواری بوانت.

زرنجی شار

مخسد:

- وانندگ بواننت و بلکنت.
- زرنجی غدیمیین شارا بزاننت.
- گون زرنجی انونیین شارا بلد بنت.





مِ حَست:

- زرنجي شار گجام ولايتي مركز انت؟
 - ورنجي غديميين شارگجا ات؟
- به گجام سالا زرنجی نوکین شاری بنیاداشتگ بوت؟
 - به گجام سالا نیمروز، ولایتی وړا زانتگ بوت؟

امی عزیزین وطن افغانستان بازین ولایتی داریت که یکی شه آوان نیمروز انت. زرنجی شارنیمروزی ولایتی بنجاه (مرکز) انت. زرنجی غدیمیین شاربه انونیین شارئ برز سرا به نادعلی کلاتی ایشک و آشکاشه آء وختی نامیین شاران ات که انگته هم آء تاریخیین شار وناد علی کهنین کلاتی خرابه دیستگه بنت.

یکین وارا زرنجی شار غُت ویل بوت و به جا گهی چخانسور ورندا کنگ که شه نیمروزی ولایتی ولسوالیان انت شه سوداگری و سرکاریین دایرانی د پترو دیوان و مکتبانی دارگی سببانام و توارودی کرتنت.

به هجری شمسیی ۱۳٤٥ سالا که نیمروز ولایتی و په ازانتگ بوت، پدوارگ زرنجی شاری یات زندگ و به زرنجی غدیمیین شاری جالسرانوکین شارئ بنیادی خشت اِشتگ بوت. به ای شارا مزنین مسیت، سرکاریین دایرانی د پتر، شفاخانه سوداگریی دکان، بچک و جنکانی مکتب و به نزیکین سالان دارالمعلمینی جو پروته که به آوان هزاران کسانین زاگ، نوک و رنا و و رنا په علم و زانگی زرتنا به سبخا مشکول آنت.

گون وهده وختی گوزگا زرنجی شاری گورو پانا د مزن بوته بـرزین مـاړی و شـهرک ای شاری براه و زیبا گیش کرتگنت.

گون زرنج - د لارامی مزنین سه کئ جو پربوتنا زرنجی شار به وطنی دگه و لایتان زبر راه ودی کرته که په شتن و آتن و چیزانی برتن و آورتنا آسانی ودی بوتگیت، همی راز ای سه ک که ۳ کیلومتر زرنجی روچ نشتنا به ابریشمی پلا گون چا بهاری آپین بندری سه کا یگجا بوته په زرنجی شاری سوداگر یی کارانی گهترین دیما روگا باز کټوک انت.



- ای سبخی نو کین گالانا سیا یگ بکنت.
- دو وانندگ په رون نوکين سبخا بوانت.
- پنچ ډل بيت و هر ډلی په زرنجی شاری باروا گون وت هبر بديت.



- سئ وانندگ په رون ای سبخئ یک یک بارا په برزین تواری بوانیت.
- چیزیکه انون گشتگه بیت په شری بلکت و جائیکه لازم انت ټک، کامه، سوالیه و ندائه علامهانا بلت.
 - سئ وانندگ همائیکه ای جاگهانا دیستگ بنت په رون

اولی په کنگ

دومی په نادعلی و زرنجی غدیمین شار

سومی په زرنجی نوکین (انونیین) شاری بارواهبر بدنت.

- جالگی جملا بوانت و په جملی پوره کرتنا به اورکین جا گهان شه ای گالان ودی کنت.

دلارامي

آسانی

گون زرنج _____ مزنین س_ه کی جوړ بوتنا زرنجی شار به وطنی دگه ولایتان زبـر راه ودی کرته که په شتن و آتن و چیزانی برتن و آورتنا _____ ودی بوتگیت.

- گون زرنج- دلارامی سرکئ جوړبوتنا به گجام یکی شه ایشان آسانی ودی بوته به دیمی ص بلکت.

| هردوين | به مردمانی شتن واتن | به سوداگریی کاران |
|--------|---------------------|-------------------|
| | | |



ای سبخا به وتی کتابچهان بلکت و په وتی کهولئ باسکان په برزین تواری بوانت.

- چیزیکه انون گشتگه بیت په جوانی بشکنت ورندا جستانی پسوا بگشت.

حُست:

۱- زرنج- دلارامی سړک چنکس تچک انت؟

۲- ای سړکئ جوړ کنگی کار کدی بناء بوت؟

٣- سركئ كار كدين الاس بوت؟

٤- ديماشه سړکی جوړ بوتنا راه چون ات؟

٥- انون راه چون انت؟

سئ وانندگ په رون چيزيکه ديما شه جُستان گشتگ بوت يکوار دگه شه بربگشيت.

گون ای گالان جمله جوړ بکنت.

غديميين

برزسرا

نادعلي

جخانسور

کنگ

- سبخئ ای بارا «زرنجی غدیمیین شار به انونیین شاری برزسرا به نادعلی کلاتی ایشک و آشکا شه آوختی نامیین شاران ات که انگته هم آتاریخیین شارونادعلی کهنین کلاتئ خرابه دیستگه بنت» په رون په برزین تواری بوانت.

آسمانک

مخسد:

- وانندگ بواننت وبلكنت.
- آسمانكي گشتنا بزاننت.



حُست:

- آسمانک چیا شنت؟
- چنت آسمانکه زانت؟
- کئ آسمانکی گشتگه کنت؟

بیبرگ مدام په هلکئ کسانین زاگان آسمانکه گشت. روچي هلکئ کسانین زاگ آیی ایشک و آشکا نزآتنت. بیبرگ گشت: گوش بکنت زاگان مروچي په شما آپي مُرگئ ناسرپدین چوکویئ آسمانکا گشین.

مچین گشتنت: شرانت.

بیبرگ گشت: روچی روباهی بازگشنگ ات به او شتاتگین آپئ کرا ژنه تت. دیست که آپی مُرگئ چوکوی آباز یه کنت. روباه گشت ته چو وتی پسیا آباز یه کنئ. چوکو گشت: من شه وتی پسا گهتر آباز یه کنین. روباه گشت. ته تا آپی آسرا پده کایسی آبازی کرتگه کنی. چوکوگشت. هان وای کارا کرت. رو باه گشت آپرین، انون شه هما جاگا ته منیا به آپی چیرا بیا. چو کوای کاراهم کرت. مگه همیکه به روباهی نزیکا رست و تی سرا بال آورت. روباه هلگر کرت و آیرا گپت ووارت.



- ای سبخی نوکین گالانا سیایگ بکنت.
- دو وانندگ په رون نو کین سبخا بوانیت.
- سبخا کراری بوانت ورندا ای آسمانکئ باروا شه یکی آدگرا جست بکنت.
- پنچ ډل بیت و هر ډلی وانندگ په آپی مُرگی چوکوی سادگی و روباهی مکاریی باروا گون وت هبر بدیت.
- ای نیمگین جملانا به وتی کتابچهان بلکت، هرنیمگین جملی چیرا سی کلیمه داتگ بوته شه سبخی دیما کلیمه که راست انت ودی و جملانا پوره بکنت.

بيبرگ مدام په هلکئ کسانين زاگان ____گشت.

شير

چا چاکه

آسمانك

روچی روباهی باز _____ات.

سير

تنگ

گشنگ

وزيزين واننده كان!

- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په جوانی بلکت و جائیکه لازم انت ټک،کامه، سوالیه و ندائیه علامهانا بلت.
 - هر وانندگی که آسمانکه زانت په وتی همراهان بگشت.
- شه ای آسمانکا که وانتت چه پنت زرتت. سئ جواب گشتگه بیت همائیکه زانت راست انت معلوم بکنت.
 - ١- كسى ديما و تراباټ بدين.
 - ٢- چيزيکه کسيه لو ټيت بکنن.
 - ٣- گون كسى مكرا گوازى مه ورن.
 - شه ای آسمانکا چی زانتگ بوت.
 - ۱- روباهی چم و مکاری.
 - ۲- روباهی کمک و دلسوچی.



ای آسمانکا به وتی کتابچهان بلکت په وتی کهولئ باسکان بوانت و بگشت که روباه چون په مکاری آپی مُرگی چوکوا گوازی دات و وارت.

- چیزیکه انون گشتگه بیت په جوانی بشکنت ورندا جستانی پسوا بگشت.

ا- و پتن په اما چې و د په کنت؟

۲- کی یه وابا ارانت؟

۳- یچی گونډین زاگ بازه وسینت؟

٤- اگه مه و سپن چونه بيت؟

٥- به شپ وروچئ تها چنت ساعت بوسپن؟

- انون سئ وانندگ چیزیکه دیما شه جستان گشتگ بوت و اوشکتت یکوار دگه شه برنگشت.

په ای گالان جمله جوړو به وتي کتابچهان بلکت.

مُدام

آسمانک

ایشک و آشک

ناسريد

گشتنت

- سبخئ ای بارا « روباه گشت: آپرین انون شه هماجا گها تا منیا به آپی چیرا بیا. چو کو ای کاراهم کرت، مگه همیکه به روباهی نزیکار ست و تی سرابال آورت، روباه هلگر کرت و آیراگپت و وارت» په رون په برزین تواری بوانت.

گون انسانان مهر

مخسد

- وانندگ بواننت و بلکنت.
- به وانندگان گون انسانا مهر و محبتی جذبگ پرواک بیت.
 - گون وت وش ونیکین سلوکی بدیما بگرنت.

توارمنی انت دوستیی یکسویی و بسراسیی په سیاه وسپیتایک ورا آسسسودگی آرامیی

حُست:

١- مهرو محبت چونين خو و تبي انت؟

۲- شما گون کئ مهرو محبت دارت؟

٣- همصنفاني مهرو محبت گون يکي آدگراچونين پاي داريت؟

آدمی به سما جیین زندگیا باز کدر دارنت و مزنین شان و عزتی واوند انت. پمیشابه هر جاگی که زندگیه کننت و تی دگه هم وړانا هم په برزین چمی گندنت و گون یکی آدگرا نیکین سلوکی دارنت.

نیکین خووتب و گون یکی آدگرا جوانی، مهرو محبت ودیه کنت وایش وت سببه بیت که انسان و تراشه آدگری حال و بوداسی بکنت و سوج بگیت اگه سکی و سوریی به سری بیت گون کمک و دستگیر یا سکیا حل کنت. همیکه سرپدین مردمی گندیت که دگری په نا سرپدی و نازانتی ردین کاری کنت یا ناوړین کرداری تسره رسینیت باید انت آیرا پوه و سرپدبکنت و سری پاچ آریت که آردین کار و کردی پدابلیت.

بهیل کرتن و بخشاتن هم برزین صفتی انت که انسان باید به ایشی خوبگیت و بزانت که مزگ و پیدگی که به بخشاتنا انت به کینگ و بیر گپتنانه انت آدمی باید و تی برزین کدرا بزانت و دگرانا هم کدربکنت، هر چنکس انسان دگری را کدرکنت و په برزین چمی بگندیت به هما کچانا و تی شان و عزتا برزه بارت و به دگرانی دلا دوسته بیت.

هیچبرنه باید تانکا و تی نپ و کتی فکرا بن بلکین مچانی نپ و کټا به چمی چیرابگرن و په هیچ کس کمی و تاوان مه لو ټن، به دگرانی غم ووشحالیا بار زرتن وت همکاریی و دستگیریی جذبگی و دی بو تنی سببه بیت که ایش وت مهرو محبتا به میانجینا کاریت و وهده که انسان گون وت مهر و محبت کننت مچین آرام و وشحالین زندگیی واونده بنت.



- ای سبخی نو کین گالانا سیایگ بکنت.
- دو وانندگ په رون نوکین سبخابوا نیت.
- پنچ ډل بیت و هرډلی په محبتی بارواگون وت هبر بدیت ورندا یکی شه شما چیزیکه شه و تی ډلئ وانندگان او شکته په دگران بگشیت.



- سئ وانندگ په رون ای سبخئ یک یک بارا په برزین تواری بوانیت.
- په جالگئ جملی پوره کرتنا سئ پسو داتگ بوتگیت آیرا ودی ورندا پورین جملا به وتی کتابچها بلکت.
 - نیکین خووتب و گون یکی آدگرا جوانی _____ ودیه کنت.
 - ۱. رَالگ و شان
 - ۲. مهر و محبت
 - ۳. جتایی
- چیزیکه انون گشتگه بیت په جوانی بلکت و جائیکه لازم انت ټک، کامه،سوالیه و ندائیه علامها نا بلت.
 - سئ وانندگ په جوانین سلوکی که گون وتی همصنفان دارنت په رون هبر بدنت.
- په جالگئ جملا سئ پسو داتگ بوته همایکین که جملا گهتر پوره کنت گجام انت آیرا ودی ورندا به وتی کتابچهان بلکت .

_____ هم برزین صفتی انت.

۱- بیرگپتن

۲- کینگ

۳- بخشاتن



ای سبخابه و تی کتابچهان بلکت و په و تی کهولئ باسکان بوانت.



- چیزیکه انون گشتگه بیت په جوانی بشکنت ورندا جستانی پسوا بگشت.

حُست:

۱- آدمیی برزین صفت چی انت؟

۲- ای صفتی واوند چون انت؟

۳- کئ به مچانی دلا جاداریت؟

٤- كئ په سربرزى ووشنا مى زندگيه كنت؟

٥- شما لوټت چون بيت؟

- سئ وانندگ په رون چيزيکه ديما شه جُستان گشتگ بوت يکوار دگه شه بربگشت.

- پنچ ډل بیت و هر ډلی په مهرو محبتی پیدگ وکټی باروا شه یکی آدگرا جست کنت.

- گون ای گالان جمله جوړو به وتی کتابچهان بلکت.

آدمي

کدر

برزين

حال و بود

سبخئ ای بهرا«نیکین خوو تب و گون یکی آدگرا جوانی، مهر و محبت و دیه کنت وایش وت سببه بیت که انسان و ترا شه آدگری حال و بوداسی بکنت و سوج بگیت، اگه سکی و سوریی بیت کمک و دستگیری بکنت» په رون په برزین تواری بوانت.

متل و گالوار

مخسد

- وانندگ بواننت و بلکنت.
 - متل و گالوارانا بزاننت.
 - متلانا كارمرزبكننت.

راستي زوال نه داريت

حُست:

- شه متل وگالواران چیی ارزش درابیت؟
- متلانی زانتن وگشتن چه پیدگ داریت؟
 - شه شما كئ متلى گشتگه كنت؟

شه متل و گالواران یک کئوم وولسی دود وربیدگیین ارزش درا بیت که مزنین سرچمگی زانتگه بنت، متل گشتن و متل آورتن امئ دود وربیدگین گوستگین دور و باریانی آزموتگ بوتگین کارانی آسر و نتیجها بیانه کنت.

انچامتل و گالوار گونهو کسان مالومه بنت مگه هر متل و گالواری مزنین مانا و مخسدی داریت که په فکری و معنویین کنهی و دارائیانی خوندی منتنا باز کدر داریت. گون متل و گالوارانی او شکتن و وانتنا شه آوانی گشوکانی فکر و خیالی و په و په و لاسی و سرپده بن مثالی و په این متلیکه شنت: راستی زوال نه داریت.

شه ای متلاسدک و راستیی کدر درابیت و معلومه بیت که شه راستیا گهترین چیزی نه انت، راستیا هیچ و ړی زیانی وزوالیی نه انت. گون ای متلی او شکتنا، او شکنوک راستیی کدرا زانت و به و تی زندا شه سدک و راستیا کاره گیت.

گون ای متلی گشتن و اوشکتنا گشوک و اوشکنوک بازین مانا و مخسدی را به کسانین جملی تها گندنت و ایش دو پیدگ و کټ داریت.

۱- متل شه یک مردمی به دگری رسیت.

۲- ای متلی مانا و مخسد او شکنو کا سد ک و راستیی کدرا نشانه دنت و آء هم گون
 سدک و راستیا خوگیت.

به بلوچیی ای متلاکه شنت راستی زوال نه داریت په وانوک و اوشکنوکا سدک وراستیی خوگیتنی حب و دلکشی گیشتره بیت و زبره زانت که به راستیا هیچ وړی تاوانی نه انت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بیت و هر ډلی گون وت په متل و گالوارانی با روا هبربدیت رندا هر ډلی یک متلی ودی بکنت و په رون په آدگران بگشیت که به وتی کتابچهان بلکنت.

وزيزين والنده كان!

- سئ وانندگ په رون اي سبخي يک يک بارا په برزين تواري بوانيت.
 - ای متل و گالوارانا بوانت و به وتی کتابچهان بلکت.
 - ₩ آپ وتي شارندا روت.
 - ☀ اگه مروچی په من انت باندا په آیی انت.
 - بټ و چټ بوت.
 - ★ په ډک هبريا يک مردمي انت.
 - ☀ ترندین گوات زوته کوشتیت.
 - 🗰 ټپې سرا واد مه ريچ .
 - ☀ جوړين سر به بالشتا ايره نه بيت .
- چیزیکه انون گشتگه بیت په جوانی بلکت و جائیکه لازم انت، ټک، کامه، سوالیه و ندائیه علامهانا بلت.



ای سبخی اولی دیما به و تی کتابچهان بلکت و په و تی کهولئ باسکان بوانت و شه و تی گسئ مزنان بلو ټت که په شما لهتین، متل و گالوار بگشنت، و به دگه روچی به صنفا په یکی آدگرابگشت.



- چیزیکه انون گشتگه بیت په جوانی بشکنت ورندا جستانی پسوا بگشت.

حُست:

۱- مردم چونین رسم و داب دارنت؟

۲- رسم و داب چیاشنت؟

٣- رسم و داب تا كدينه ماننت؟

٤- اعيد، جشن، بو وبرات به امئ مردماني تها چونين گوستگي دارنت؟

٥- مردم اى روچانا گون چيا دوده گرنت؟

- سئ و انندگ چیزیکه دیما شه ای جستان او شکتت شه بریکواردگه بگشیت.

- په ای گالان یک یک جمله بلکت.

گوستگين

خوندي

كدر

زوال

سدک

- سبخئ ای بارا "شه متل و گالواران یک کوم وولسی دود وربید گیین ارزش درا بیت که مزنین سرچمگی زانتگه بنت، متل گشتن و متل آورتن امی دودو ربیدگیین گوستگین دور و باریانی آزموتگ بوتگین کارانی آسرو نتیجهابیانه کنت" په رون په برزین تواری بوانت

کارئ کټ

مخسد:

وانندگ بواننت و بلکنت. انونیین زمانگ، آیوک و گوستگین فعلانا درست کننت و کاری کټا بزاننت.



حُست:

- ١- كار چيا شنت؟
- ۲- وانندگانی کار چی انت؟
- ٣- شما به آيو کالوټت چه کار بکنت؟

هرکاسبی و مشکولیی که انسان به آیی دست گټ بیت و بروکټی بگیت کارانت. کسی کشار گر و مالدارانت یا انجنیر، سوداگر، معلم، دوکاندارو دگه مشکولیی ایش هر گجامی په وت و هم په دگران پیدگه رسیننت. وانندگ که سبخه واننت و زانگ و کمالی واونده بنت ایش هم کاری انت که باز چیزانا زورنت و باندی روچاپه وت و وتی جامعا خذمت کرتگه کننت.

به کاری آسر و نتیجها بـازین آسـانیی ودی بوتـه پـه آرام وجـوانین زنـدگیا رسـاک بریبـر بوتگنت. گوستگین و هدان انسان کار کرتگنت. انون به آوانی راههامنه رئین ته روی آروت ایش وت روشه کنت که گوستگین کار بروکټ داشته و زنده گیی بازسکیانا حلاینتگنت پمیشا په جوانین کار و زبرین آسرو نتیجی گپتنا په جوانین بلید بوتنا هر گجامی یک کاری په وت دره گیجیت مثالئ وړا شما که انون چل(٤٠)وانندگ به اي صنفا سبخه وانت ، هر گجامی یک کاري پسند و وش دارت که به آیوکا تسربکنت

ده لوټیت ډاکټر بیت، پنچه لوټیت کشارگرو مالداربیت، دوه لوټیت تخنیک زانت بیت، سیه لوټیت معلم بیت، پنچه لوټیت سوداگر بنت و آدگه لوټنت دگه مشکولیی بگرنت. ایش که هر گجامی وتی و شی کارا زبره زانت شه آیی هم وت و هم جامعی دگه باسک په جوانی پیدگ وکټ گپتگه کننت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بیت و هر ډلی وانندگ په وت کاری درگیجیت ورندا په رون شه هرډلی یک وانندگی په کاری که پسندی انت و درگیته په وتی دگه همراهان هبربدنت.
- جالگی جملانا بوانت، په هر جملی پوره کرتنا، سئ کلیمه لیکتگ بوته همایرا که جملا یوره کنت و جُریت وتی کتابچهان بلکت.

وطن امی مچانی گس انت په ای گسا هر کس کاره کنت.

بزگر _____ که شه آیی نان ودیه بیت.

۱- پسه چارينيت

۲- ناجوړانا علاجه کنت

۳- گله کشیت

نجار _____ جوړه کنت.

۱- پل و سړک ۲- کارخانه ۳- مکتبانا ٤- لټيين چيز



- سئ وانندگ په رون ای سبخئ یک یک بارا په برزین تواری بوانیت. بلوچیئ زوانا فعلئ زمانگ سئ دورا بهره بیت: انونیین،گوستگین و آیوکین. انونیین سادگین زمانگ

| مفرد | جمع |
|-------------------|--------------|
| ۱– منه ریین | اما رون |
| ۲ – ته روی | شما ریت |
| ۳- آروت | آءآه ان رونت |

و «لوټين»ی لوز په آيوکين جملانی جوړ کنگا انت چو منه لوټين بريين تـه لـوټي بـروی، آلوټيت بروت.

- شما ای سبخا جوان بوانت و انونیین و آیوکین فعلا ناشه تهی ودی و په یکی آدگرا گشت.
- چیزیکه انون گشتگه بیت په جوانی بلکت و جائیکه زانت ټک، کامه، سوالیه و ندائیه علامهانا بلت.



ای سبخئ اولی بهرا په وتي کتابچهان بلکت و په وتي کهولئ باسکان بوانت.

- چیزیکه انون گشتگه بیت په جوانی بشکنت ورندا جستانی پسوا بگشت.

۱- میئ اول چیی روچ انت؟

۲- ای روچا کارگر چیوه کنت؟

۳- کارگرانی هم تپاکیی روچ گجام انت؟

٤- اولى وارا كارگر به گجام شارا پاد آتنت؟

٥- رندا شه چنت پادآیگا کارگر سوبین بوتنت؟

- سئ وانندگ په رون چيزيکه ديما شه جستان گشتگ بوت شه بربگشيت.

- هر گجا می شه شما سئ کشک په کاری پیدگی باروا به و تی کتابچهان بلکت.

- په ای گالان جمله جوړ وبه وتی کتابچهان بلکت.

دست گټ

بگیت

کشار گر

زانگ

زورنت

خذمت

رساك

بُرزین همت

کار گــرون کارگر،کار منی عـــزت انت

شان ومنى شوكت انت، بـــرزمنى همت انت

من شه کوهانی دلا گنجـــه کشین پربهـا

الماس ياقوت لعل سياهين و سپيتين طللا

گون وتی کاران کنین زندگیا ډیل و براه

دنیای مان هــر گــــورا نام منی روش و درا

واهگ وارمـــان منی انســانی آزاتی انت

زردی منی کوهین مراد دنیای آباتی انت

گرنچگ و بیدادیی آسرو بربادی انت

براسی وانصاف و عدل په من گل وشادی انت

(ع. پهوال)



- برزگی شیراشه برکنت.

خان محمد سماجي

مخسد

- وانندگ بواننت وبلکنت.
- گون شاعرونویسوکا درستی بنت.
- شئيروشاعريي جذبگاواك بدينت.



حُست

- چنت شاعری ناما زانت؟
- کئ به بلوچیی زوانا شئیر گشتگیت؟
- شه شما كئ خان محمد سماجيا درسته كنت؟

خان محمد سماجی شه بلوچیی زوانی وش گشین شاعران انت. آیی پسی نام ملا بهلول انت. آ به نیمروزی ولایتی کنگی ولسوالیی هلکی پیدا بوته. خان محمد سماجی و تی تعلیماتا ۱۲ صنفا به نیمروز در برت و هجری شمسیی ۱۳۹۰ سالا به کابلی پوهنتونی زوان ولبزانکی فاکولتا شامل بوت. انگته فاکولتی دورا الاس نه کرتت که په گیشترین تعلیما به درملکادیم داتگ بوت.

خان محمد سماجی اگه یک نیمگا بلوچیئ زوانی شاعری ات، دومی نیمگا جوانین فن کار و هنر مندی هم ات. آیی بازین شئیری به افغانستانی ملیین رادیو تلویزیونا ریکارد بوتگ و مدام شینگه بنت.

ایشی شاعریی مزنین خصوصیت ایش انت که شئیرانی زوان باز سادگ و مردمانی زوان انت، پمیشا په هر کسا آیی شئیرانی پوه بوتن آسان انت.

به خان محمد سماجی شئیران گیشتر وطن دوستیی مهر دیستگه بیت وشه وطنی ورناهان لوتیت که پاکین وطنی خذمتا بکننت، گون وت تپاک ویکویی داشتگ بنت.

خان محمد سماجي کلامي چيدگ:

امـــاوتی ملک و وطنئ بچن و زاگـــن

مامردم و راجـــاوتیا چم و چــرا گن

مـــاگونه و کسان مرد و جنین زاگ

هــر دشمن و بدواهی دلارامادین داگ

امـا په وتي بزگ و خــواراني نجاتا

پاد آتگن و پـرو شتگن زوراکی کلاتا

سرین بستگ سپاهی وتی آزاتی وواکی

ماندره کنن جــان و سرانا و تی حاکی

ماعاشقن آجویی وسول و تپاکی مادشمنن توپیر وجتایی ونپاکی

- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- چیزیکه انون گشتگه بیت په جوانی بلکت و جائیکه لازم انت، ټک، کامه، سوالیه و ندائیه علامهانا بلکت.
- سئ وانندگ په رون چيزيکه شه ای سبخا،خان محمد سماجی باروا زرتت په برزين تواری بوانيت.
 - سئ ډل بيت و هر ډلي گون وت په سماجي بارواهبربديت
 - به خان محمد سماجی شئیرا چیی باروا هبر داتگ بوته.
 - به جالگا دو پسو داتگ بوته.

خان محمد سماجي

۱- وش گشین شاعریی ات

۲- فن کار و هنر مندی ات

گجام یکین راست انت به دیمی ص بلکت؟

| اولی |
|--------|
| دومی |
| هردوين |



خان محمد سماجی شئیرابه وتی کتابچهان بلکت و په وتی کهولی باسکان بوانت و شه برکنت. - چیزیکه انون گشتگه بیت په جوانی بشکنت ورندا جستانی پسوا بگشت.

حُست:

۱- وانندگ بلوچیی ادبی تاریخی دورانا چنت دورسیایگ کرتگ؟

۲- بلوچیی ولسیین شئیرانی دورگجام انت؟

٣- ليلاړو، هالو و لولي شه گجام دورا انت؟

٤- تاريخيين داستان، جنگيين نكل شه گجام دورا انت.

٥- بلوچيي كهنين لبزانكي (ادبياتي) مزنين صفت چي انت.

- سی وانندگ په رون چیزیکه دیماشه جستان گشتگ بوت یکواردگه شه بربگشیت.

- به ای سبخا گون گجام یکی شه ای شاعران درستی بوتت نامی ودی و حلغی تها گرت.

عبدالرحمن يهوال

نوراحمد(اومان)

خان محمد (سماجي)

په ای گالان جمله جوړ بکنت.

دربرت

وش گشين

فن كار

افغانستاني مليين راديو تلويزيون.

تلويزيون

مخسد:

- وانندگ سبخا یه جوانی بواننت وبلکنت.
- تلویزیونا درست کننت، شه پیدگ و کټی سی بنت وجوړبوگی وختی بزاننت.
 - ترتیب، حالت (وصف) و کیفیتی قیدانا بزاننت.



حُست:

- به برزگی عکسا چیه گندت؟
- تلویزیون اولی وارا به گجا جوړ کرتگ بوت؟
- به امی عزیزین وطنا کدی تلویزیونی دستگا به کارا کپت؟
 - شما تلویزیونی گجام پروگراماوش دارت؟

تلویزیون شه حال رسینوکین جمعیین وسیلان انت که دیستگ واوشکتگه بیت و سرا به میلادیی ۱۹۲۵ سالا به امریکای تپاکین ایالتان جوړ و به کارا پرینتگ بوت.

گون وهده و وختی گوزگا تلویزیون کرا کرا به جهانی دگه ملکان دودبوت و پدبه پـد تلویزیونی پروگرامانی گندوک واوشکنوکانی حساب گیش بوت و مردم په دلجمی به

وتی گسی تهاتلویزیونی وړوړی فیلم حال ورپوټانا دیستنت و زو زوشه حال و هبـران سـیه بوتنت.

به امی عزیزین وطنا په اولی وارا به هجری شمسیی ۱۳۵٦ سالا به سردار محمد داودی جمهوریی وهدا تلویزیویونی دستگاه به کابل به کارا پرینتگ بوت که تاچنت سالا تانکا کابلی شاری نندوک شه تلویزیونا کارگیتگه کرتنت و کراکرا به وطنی دگه ولایتان هم تلویزیونی دستگاه نادینتگ بوتنت.

مردم به وطنی هر جاگه و هندی که انت و تی وش و پسندی پروگرامانا گندنت و شه وطن، سیم و جهانی حال و هبران سی و سریده بنت.

تلویزیون بیدی حال و هبر، سازوزیمل و تفریحیین پروگرامان ورزشی و تعلیمی ورودینو کین پروگرام هم شینگه کننت که په گندوکانی زانگ و فکری واک داتنا پیدگ و کټ دارنت.

وزيزين والثده كان!

- ای سبخئ نو کین گالانا سیایگ بکنت.
- دو وانندگ په رون نوکين سبخا بوانيت.
- پنچهل بیت و هر ډلی په تلویزیونئ کدرئ بارواگون وت هبر بدیت.
- په ای جُستان سئ سئ پسو داتگ بوته یکی را گچین کنت و ایشک و آشکی خط بگرت.
 - په مکتبی وانندگان تلویزیونی گجام پروگرام کټوک انت؟
 - ١- فيلم
 - ۲- حال و تعلیمی و ورزشیین پروگرام
 - ٣- سريال
 - به افغانستانا په اولی وارا تلویزیونی دستگاه کدی جوړ و به کارا پرینتگ بوت؟
 - ١- بازغديما
 - **۲** به ای زوتیان
 - ۳- به سردار محمد داودی حکومتی وختا.



- سئ وانندگ ای سبخی یک یک بارا په برزین تواری بوانیت.

شما به دیمی سبخی ونتت که حالت و ترتیبئ قید هما انت که فعلی(کاری) تسررسگی وړو ډولا نشانه دنت.

چو: پد به پد، دم په دم، سرا، گهسرا، ډل، ډل، یک یک، زو زو، بولک بولک، سوار، پیادگ، لنگ لنگ، کرا کرا، ناگتا سراپ سراپ، په هندگ، په گریوگ، په دلجمی، چاپ جنان په زور، په تراټ، ترند، تیز، کنټ و دگه. انون سبخا کرار(بیتوار) بوانت و جائیکه حالت و ترتیبی قیدی گالانا گندت جملانی به وتی کتابچهان بلکت.

- چیزیکه انون په شما گشتگه بیت په جوانی بلکت، ټک، کامه سوالیه و نـدائیی علامهانـا جائیکه لازم انت بلت.

- سئ وانندگ په رون په هما پروگرامئ باروا که شه تلویزیونا گندنت ووش دارنت په وتي همراهان هبر بدنت.



هرگجامی په تلویزیونی باروا سئ کشک به وتی کتابچهان بلکت.

- چیزیکه انون گشتگه بیت په جوانی بشکنت ورندا جستانی پسوا بگشت.

۱– جمعین ارتباطی وسیله گجام انت؟

۲- اگه به روچتاک و حالتا کی حال و هبری لکتگ بوتگ بیت چون زانن؟

٣- راديو و تلويزيون چون اماره شه حال و هبران سيه كننت؟

٤- راديو هبره دنت په امي وانتنا ضرورت انت اگه نه؟

٥- تلويزيون كه هم هبره دنت و هم ديستگه بيت چونين وسيلي انت گون انترنت و كمييو ترا تاثيري بريبرانت؟

- سئ وانندگ چیزیکه دیماشه جستان گشتگ بوت یکواردگه شه بربگشنت.

په ای گالان جمله جوړ و به وتی کتابچهان بلکت.

تلويزيون

جمعيين ارتباط

کرا کرا

گندوک

دستگاه

سبخئ ای بهرا «تلویزیون شه حال رسینوکین جمعیین وسیلان انت که دیستگ واوشکتگه بیت. سرابه میلادی ۱۹۲۵ سالا به امریکا تپاکین ایالتان جوړو به کارا پرینتگ بـوت» پـه رون په برزین تواری بوانت.

وطنئ آباتي

مخسد

- وانندگ بواننت و بلکنت. و معرفه ی نا ما درست کننت.



جُست:

- وطنی آباتی کی کار انت؟
- کئ و تی وطنا جوان آبات کرتگه کنت؟

مشما (من، ته و آ) که به وتی یگجایین لوگ افغانستان زندگیه کنن په مشما درا انت که ای وطن سکین روچانا دیسته و باز خراب بوته شه برزتا جالا وشه روچ درات تا روچ نشتنا ای وطنی هر جاگی آبا تیه لوټیت، هر چنکس وطن آبات بیت به هما کچا نا مردم گهترین زندگیی واونده بنت.

به وطنئ ترخی و آباتیئ کارا زانگ و کمال مزنین تاثیری داریت دگه باید انت کوشست بکنن که زانگ و کمالی، واوندبن و په علم و زانگ گون نوکین و سیلانی

کار مرزکرتنا سرینا په وطنی آباتیا بندن وشپ وروچ کاربکنن و ثابت بکنن که مشما به هر کار و کاسبیی که ان گون و تی کوشست و تلواسگان به وطنی آباتیی راها په سـدک و راستی دیماشتگن.

وطن

ندرون تئی باگ و بهـــاری وطن

ندرون تئی کشت و کشـــاری وطن

زندگ و سوبین بی می استمان

ندرون تی دشت و دیاری وطن

برز بچندیت تے بیرغ ملدام

ندرون تئی نــام و تواری وطن

ته منی ماس من تے پسگ یلین

ندرون تئی لج و میاری وطـــن

لـــوگ و هنکین کلاتین منــی

نـــدرون تئی ډن و ډگاری وطــــن

هردمگ و سیـــم تی می عزت انت

نـدرون تئی گټ و تـلاری وطـــن

مچ موسم سال وشه گوزنت می سرا

ندرون تی گـزترک و لواری وطن

زندگ و آبات ببی شاد مسدام

ندرون تئی جنگل و داری وطــــن

ایش انت سماجی مدامی شعار

ندرون تئی آسمان و ډگاری وطن



- ای سبخی نوکین گالانا سیایگ بکنت.
- دو وانندگ په رون نوکين سبخا بوانيت

معرفه نام: معرفه نام هما انت که په دیمین مردم یا اوشکنوکا درا و درست بوتگ بیت چو: افغانستان – ای وطن و ضمیری کلیمه هم مدام معرفه انت. خاصین نام هم معرفه انت. شما به ای سبخا معرفه ی گالانا ودی و به وتی کتابچهان بلکت.

- سئ وانندگ په رون اي سبخي يک يک بارا په برزين تواري بوانيت.
 - پنچ ډل بيت و هرډلې په وطني آباتيي باروا گون وت هبر بديت.
 - جملا بوانت و جوابی بگشت.

باید په وطنی آباتیا کوشش وتلواسگ بیت که:

۱- مردمانی زندگی جوان و آرام بیت.

٢- شه دگه ملكاني احتياجا الاس بن.

۳- به دیماشتگ و آباتین ملکانی ریسگابوشتن.

اولی دومی سومی هرسین به دیمی(ص) بلکت.

په گجام مخسدا



هر گجا می شه شما سئ کشک په وطنی آباتیی باروا به وتی کتابچهان بلکت و شئیراشه برکنت. - چیزیکه انون گشتگه بیت په جوانی بشکنت وجستانی پسوا بگشت.

١- افغانستان كي وطن انت؟

۲- مشمی پت و عزت به گجا خوندی انت؟

٣- كئ بايد په وطني آبا تيا جدوجهد بكنت؟

٤- وطن شه چيا خراب بوتگيت؟

٥- وطن شه اما چيه لوټيت؟

- سئ وانندگ چیزیکه دیما شه جستان گشتگ بوت یکوار دگه شه بر بگشیت.

- په اي گالان جمله جوړ و به وتي کتابچهان بلکت.

لوگ

زانگ و كمال

آباتيا

شپ و روچ

ای

ډموکراسي

مخسد:

•وانندگ بواننت و بلکنت. دمو کراسیی مانا بزاننت.

گشتن و بیانی آزاتی، کلمی آزاتی، عقیدی آزاتی

حُست:

- ډمو کراسي چونين نظامي انت؟
- ظلم ووت سرى جوان انت يا ډمو كراسى؟
- بی توری ووت سری گون ډمو کراسیا چه توپیر داریت؟

همو کراسی هما نظام انت که به آیی قانون، آزاتی و مردمگری انت. بـری نظامـا مـردم پـه وتی جندی وش و پسند قانونا جـوړه کننت و جـامعی مچـین مـردم آزات انت و مچـانی جاگه و حک معلوم انت هرجاگهی مردمگری و اخلاق انت.

به ملکی که ډموکراسی انت مچین یکی آدگری حکا په بـرزین چمـی گنـدنت و ای سـځ آزاتی به ډموکراسیی نظاما انت.

- گشتن و بیانئ آزاتی.
 - كلمئ آزاتي
 - عقيدئ آزاتي

به جامعه ایکه دموکراسیئ نظام نه انت ظلم و زورا نسری انت انسان شه انسانی نیمگا جورینتگ، لټ وکټ، بندی و کشتگه بیت بی وسانی هستی و مال شه ظالم و زورا کانی نیمگا برتگه بیت انسان شه انسانی نیمگا گلام و نوکربنت بی وس به زورانسرانی دیما هبرداتگه نه کننت.

به جامعی که چمو کراسی انت هر کس و تی کاراشه قانون، آزاتی و مردمگریی دیمازانت و هیچ و چی بی توریی نه بیت. ایش په ای واهگ و ارمانی رسگا باز جُهدو کوشست کرتگنت تا که ظلم و زورانسریا زیان و چمو کراسیا آور تگنت. به چمو کراسیی نظامانه کسی سرا ظلم و بی توریه بیت و نه کسی ظلم ووت سری کرتگه کنت. بلکین مچین و ترا و دگرانایک و چویک چوله زاننت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بيت و هر ډلي گون وت په ډمو کراسيي نظامي با روا هبر بديت.
- انون ای نیمگین جملا به و تی کتابچهان بلکت به جالگی سئ کلیمه داتگ بو ته هما کلیما که زانت جملا پوره کنت ودی و به اورکین جا گها بلکت.
 - چمو کراسی همانظام انت که به آیی _____ آزاتی و مردمگری انت.

قانون

وت سری جو رینگ

وزيزين وانس كان!

- سئ وانندگ ای سبخی یک یک بارا په برزین تواری بوانیت.

- معرفه: معرفه هما انت که په دیمین مردما(مخاطبا) روش و درا بیت وشه آیی سی داشتگ بیت چو که په ای سبخا آتگیت.

ایش په ای واهگ وارمانی رسگا باز جُهدو کوشت کرتگنت تا که ظلم و زورانسریا زیان و ډموکراسیا آورتگنت.

چو که زانت تا ادا دمو کراسیی باروا معلومات ات و «۱» معرفه علامه انت.

که دمو کراسیی کلیمی آخراگیش بوتگیت.

سئ وانندگ په ډول:

اولی په قانونی

دومي په آزاتيي

سومی په مردمگریی (اخلاقئ)

باروا چیزیکه شه ای سبخا زرتگیت هبربدنت.



هرگجامی شه شما په ډمو کراسیئ باروا چارکشک به وتی کتابچهان بلکت و بـه گسـا پـه وتی کهولی باسکان بوانت.

- چیزیکه انون گشتگه بیت په جوانی بشکنت ورندا جستانی پسوا بگشت.

۱- به ډمو کراسیی نظاما مردمانی واک به کی دستا انت؟

۲- به ډمو کراسیا کئ قانونا جوړه کنت؟

٣- به ډمو کراسيي نظاما حکومتاني وظيفه چې انت؟

٤- به ډمو كراسيا حكومت و مردم شه وت جتا انت يا يگجا؟

٥- به ډمو کراسيا کئ به کاراني سراوکيا درگيتگه بيت؟

- سئ وانندگ چیزیکه دیما شه جستان گشتگ بوت یکوار دگه شه بربگشیت.

- ای سئ آزاتی به دمو کراسیئ نظاما انت بوانت ورندا به وتی کتابچهان بلکت.

۱- هبر داتن «گشتن» و بیانی آزاتی.

۲- لکتن(کلمی) آزاتی.

۳- عقیدی دارگی آزاتی.

- په اي گالان بک بک جمله بلکت.

لټ و کټ

گلام

بی توری

بی وس

واهگ

اسوتي

مخسد:

- وانندگ بواننت و بکنت و اسوتیئ گندگیا بزاننت.

اسوتي گندگين ناجوړي انت

حُست:

- ١- استوتي چيا شنت؟
- ۲- اسوتی گندگ انت یا جوان؟
 - ٣- اسوتي چه پيدگ داريت؟
 - ٤- اسوت كئ انت؟

اسوت هما انت که چمی به دگرئ مال و دارائیا دیسته نه کنت. اسوتی، روا داری نه کرتن انت، همیکه اسوتئ چم به دگرئ مال و دارایی یا گهترین چیزی بکپیت دگه پیرزونه کنت و زردی نه سگیت که آانچین چیزی داشتگ بیت دگه آیی مال و دارایئ زیانی و زوالیالوتیت.

اسوتی سک گندگین خوی انت چو نا جوړیی وړا اسوتا جورینیت و پا زابه کنت، اسوت غمه وارت و ارمانی انت بلی شه وسی چیزی نه بیت اسوت و ترا جورینیت ووتی زندا تال و شوره کنت، په دگری تاوانی رسینتگه نه کنت و شه کسی مال و دارائیا کم کرتگه نه کنت.

اگه مشما کسی را درسته کنن، که اسوت انت و به اسوتیا خوگیته، جوان انت آیی سرا، پاچ آرن و بگشن که اسوتی گندگین خوی انت، ای خوا شه و تی سرا بزوریت، پرچی که، اسوتی گون وت دشمنی کرتن انت و آیرابگشن ته وت وتی زندا خرابه کنی، شه ای خوا دست بزور اگه آامئ هبرامنت و وتراگون دگران هم و چکرت شه اسوتیی گندگین عذابارکیت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- سبخا کراری بوانت و اسوتیی گندگیانا به هوشا بگرت.
- پنچ ډل بيت و هر ډلې په اسوتيي گندگيي باروا گون وت هبرېدت.

| انون ای نیمگین جملانا به وتی کتابچ | جهان بلکت به هر جملی جالگا چنـت کلیمـه داتـگ |
|------------------------------------|--|
| بوته شه اوشکتگین گالان یکی که س | سره وارت درگیجت و به اورکین جا گها بلکت. |
| – اسوت هما انت که <u> </u> | _ به دگری مال و دارائیا دیست مه کنت. |
| دلی | |
| چمی | |
| واهگ وارمانی | |
| اسوتي سک گندگين | انت. |
| خوى | |
| ذمه واربي | |



– سئ وانندگ په رون ای سبخئ یک یک بارا په برزین تواری بوانیت.

- من، ته، آ فاعلیین ضمیر انت و منا، ترا، آیرا مفعولیین ضمیر به ای سبخا فاعلی و مفعولیین گالانا ودی و آوانی جملانا به وتی کتابچهان بلکت.

- به جالگی جملان

من آتون

منابرت

فاعلى و مفعولين ضمير آتگنت انون شما يه ته و آجمله جوړكنت.

- چیزیکه انون گشتگه بیت په جوانی بلکت و جائیکه لازم انت ټک کامه، سوالیه و ندائیه علامهانا بلت.

- انون سئ وانندگ

اولي په ایشي که اسوتي چې انت

دومي په اسوتيي تاواني باروا

سومی په ایشی که اسوتا چون شه ای خوابگردینن، په رون هبربدنت.



هرگجامی شه شما په اسوتیی باروا سی کشک به وتی کتابچهان بلکت و به گسا پـه وتـی کهولی باسکان بوانت. - چیزیکه انون گشتگه بیت په جوانی بشکنت و رندا جستانی پسوا بگشت.

۱- په دگران مال و دارايي داشتنا پيرزو و روا داري جوان انت؟

۲- په وت پاکين مال و دارائيا چون ودې کرتگه کنن؟

۳- روا داری و پیرزونه دارگ گندگ انت یا جوان؟

٤- اسوت شه چيا و ترا جورينيت؟

٥- اسوت په دگران تاوان رسينتگه کنت يا نه؟

- سئ وانندگ په رون چيزيکه ديما شه جستان او شکتت شه بربگشيت.

- شه جالگی گالان جمله جوړو به وتی کتابچهان بلکت.

پيرزو

زرد

جورينيت

اسوتي

خو

تال وشور

- سبخی ای بهرا "اسوت هما انت که چمی به دگری مال ودارائیا دیسته نه کنت، اسوتی روا داری نه کرتن انت " سئ وانندگ په رون په برزین تواری بوانیت.

علم روشنی انت

مخسد:

- وانندگ بواننت و بلکنت.
 - علمئ كدرا بزاننت.
- په علمئ زورگا کوشست بکننت.

حُست:

- علمئ ایل زرتن یه کئ فرض انت؟
- علمئ ایل زرتن چه پیدگی داریت؟
 - علم وزانگ انسانا چیه دنت؟
 - اگه چیزی مه زانن چون کنن؟

علم وزانگ چو بلوکین روشنی انت که په انسانا مچین سکیانا آسان و تارما روشـنه کنـت. علم وزانگی ایل زرتن په مردین زاگ وجنین زاگا فرض انت.

اما باید په علم وزانگئ ایل زرتنا کوشش و تلواسگ بکنن و چیزیکه نه زانین شه عالم و دانندگان سوج و و ترا پو و سرپدکنن سو جا شرمی نه انت نه زانتن و نا سرپدی شرم انت. شه و هده و و ختا کټ گپتن و علم و زانگی ایل زرتن باز پیدگ داریت هر چنکس که مردم علم وزانگی واوند بیت به هما کچانا آیی عزت و آبرو به دگرانی دیما گیشه بیت و مچین آیرا په برزین چمی گندنت.

علمیین مسلانی زانتن چو گنجی ودی کرتنا انت و علم وزانگ انچین گنج و هستی انت که هیچبر الاسه نه بیت.

کسیکه علم و زانگی واوند بیت جوانین کردارا نا تسره رسینیت و دگه هم شه آیی علم و زانگا پیدگ و کته زور نت، علم و زانگ انسانی شان و بالگ انت.

بیایت که وتی پربهایین وخت و رساکا انچامه گوازینن په علم و زانگی ایل زرتنا شپ و روچ کوشش بکنن، چیزی که زانن په دگران بگشن و چیزیکه نه زانن شه دگران سوج بکنن انسان په علم و زانگی ایل زرتنا شه دمیکه به دنیا کیت تا دمیکه زندگنت وخت ورساک داریت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بيت و هر ډلې په علم و زانگي باروا گون وت هبرېديت.
- شه ای گالان په جالگی هر گجام جملی گچین ورندا به وتی کتابچهان به اورکین جاگهان بلکت.

علم

آبات

علمي

علم و زانگی

غدیما انسان په بازسکی زندگیه کرتنت، بلی مروچی به _____ برکتا په آسوده حالی و اسراحت زندگیه کننت.

_____ انسانی فخر و شان انت.

_____ واوندین مردم وتی وطنا گهتر _____ کرتگه کننت.



- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و ندائیه علامهانا بلت.
 - سئ وانندگ په رون په عالم و دانندگانی کدر و روی بارواهبر بدنت.
- شه ای سئ جملان یکی سوجئ جواب اِنت آیرا ودی و رندا به وتی کتابچهان بلکت.
 - دانندگ هما کساشنت که مزنین هبربدنت.
 - دانندگ هما کساشنت که شه مچان برز بنندیت.
 - دانندگ هما کساشنت که پوو سرپدبیت.



هر گجامی شه شما جالگئ شیری نثرا به وتی کتابچهان بلکت.

امئ مکتب زندی براه انت یات بگرن علیم وادبا پهمردمان بن دلسوچ برون به مکتبا جروان زندگ بیت علیم و ادب امئ مکتب علمئ جاه انت بیا که برون به مکتبا سبخ برون به مکتبا سبخ بروانن شپ وروچ هسر تاریبا گون براسان آبات بیت امے مکتب

- چیزیکه انون گشتگه بیت په جوانی بشکنت ورندا جستانی پسوا بگشت.

۱- علم وزانگ په انسانا چو چيا انت؟

۲- انسان گون علم و زانگا چه کرته؟

٣- انسان به علمئ بركتا به گجا گام اشتگيت؟

٤- علمئ جاه گجا انت؟

٥- به گجا گیشتر عالم و دانندگ ودیه بیت؟

- سئ وانندگ په رون چيزيکه ديما شه جستان گشتگ بوت شه بربگشيت.

- گون ای گالان جمله جوړ کنت.

علم و زانگ

آسان

ایل زرتن

زانن

- سبخئ ای بهرا «علم و زانگ چوبلوکین روشنی انت که په انسانا سکیانا آسان و تارما روشنه کنت. علم و زانگئ هیل زرتن په مردین زاگ و جنین زاگا فرض انت.» په رون په برزین تواری بوانت.

جوانین ورگی

مخسد:

- وانندگ بواننت و بلکت.
- جوانین ورگیی کدرا بزاننت.
- به جوانین ورگیی وارتنا دلگوش بکننت.



جُست

۱- گجام ورگیا وش دارت؟

۲- جوانین ورگی گجام انت؟

آئیکه و تی دُرایی وجوړیا لوټنت ورگیی سرا دلگوشه کننت. جوانین ورگی په انسانی دُرائیا پیدگ داریت.

غدیمی و هدا پیگ و گوشته وارتنت و به وتی مناگشتنت کسیکه بازپیگ و گوشت بوارت دروا وجوړ وپرواکین صورتی واوند انت. بلی رندا ثابت بوت که مالانی بازین گوشت و پیگ "چرپیی" وارتن پیدگ و کټی نه داریت په ایشیکه به مالانی چرپیا

کلسترول باز انت و وهده که به انسانی حونا کلسترول گیش بیت به رگانی تها مانیت که په انسانی دروائیا تاوان داریت.

انون انسان په وتی دُرایی وجوړیی ساتن و پرواک و توک بوتنا به پیگ و گوشتی جاگها، ماک، ماش، ادس، نخوت، بینډی وای وړی دگه چیز ورنت. گوشت، شیر، آمورگ، پنیر ماهی، ماک، نخوت و دال پروتین دارنت که په بدنی و دا بازتا ثیر دارنت و عضلاتا مزنه کننت.

جواری، برنج، گله، کچالو، شات و نیشکر بدنا واک و توکه دینت.

راز رازی نیوگ و سوزی ویتامین دارنت که آوانی وارتن انسانا شه ناجوړیان ساتنت.

به روچی تها چنت وار آپی وارتن، تازگ و حامگ یاپکتگین سبزی و خاص پیماز و سیرکی وارتن باز پیدگ و کټ داریت انسان هرو هدی که ورگیی فکرا بیت باید و تی وش و پسندا نه بلکین ورگیی واک و توک و تاثیرا بزانت و هما ډولین ورگیی بوارت که په آیی کټ و پیدگی داشتگ بیت.

باز نوشابهانی وارتن جوان نه انت، و یتامین دارین چیزانی وارتن زبـر انـت. انسـان بایـد بـه خوت و ورگیی وارتنی و هدا وش و هندان بیت به غم وگړتیا ډُب مه بیت.



- ای سبخئ نوکین گالانا سیایگ بکنت.
- دو وانندگ په رون نوکین سبخا بوانیت.
- پنچ ډل بیت و هر ډلی په جوانین ورگیی باروا گون وت هبر بدیت.
- دو ډل شه یکی آدگرا په ایشی کسیکه وتی دُرائیا لوټیت به چیا بـاز دلگوشـه کنـت پرس و سوج کنت، آدگه جوابانا بشکننت.



- سئ وانندگ په رون سبخئ يک يک بارا په برزين تواري بوانيت.
- چیزیکه انون گشتگه بیت په جوانی بلکت و جائیکه لازم انت. ټک،کامه، سوالیه و ندائیه علامهانا بلت.
 - سئ وانندگ په هما ورگياني باروا هبربدنت که پيدگ وکټ دارنت.
- جالگئ جملا سئ پسو داتگ بوته همایکین که راست انت شه سبخی دیما ودی و رندا به وتی کتابچهان بلکت.

پروتین دارین ورگی:

- ای ورگی انسانی بدنا واک و توکه دنت.
- ای ورگی انسانی بدنا شه ناجوړیان ساتیت.
- ای ورگی به بدنی باسکانی و دداتن و عضلاتی مزن بوتنا مزنین تاثیری داریت.
 - په جالگي جملي اورکين جاگها يکي شه اي گالان ودي و بلکت.

پروتين

ويتامين

راز رازی نیوگ وسوزی _____ دارنت که آوانی وارتن انسانا شه ناجوړیان ساتت.



ای سبخئ اولی و دومی بهرا به وتی کتابچهان بلکت و په وتی کهولی باسکان بوانت.

چیزیکه انون گشتگه بیت په جوانی بشکنت و رندا جُستانی پسوا بگشت.

۱- بازین پزوری په چیاتاوان داریت؟

۲- حونئ فشار شه چیابرزه روت؟

۳- دلئ او شتا تن (ټپ داتن، سکته)، شکری ناجوړی شه چیا ودیه بنت؟

٤- په پزورين مردما پيگ و چرپيي وارتن پيدگ داريت يا تاوان؟

٥- كسيكه پزورانت چې بوارت و چې مه وارت؟

- سئ وانندگ چیزیکه دیما شه جستان گشتگ بوت شه بربگشت.

په ای گالان جمله جوړ کنت.

دُرايي

دلگوش

پیگ

كلسترول

سبخئ ای بهرا "په ایشی که دُرا و جوړبن و وس وواک داشتگ بن انچین ورگی بورن که پروتین داشتگ بیت، اماره واک بدنت و شه ناجوړیان بساتیت" په رون په برزین تواری بوانت.


دُراهي

مخسد:

وانندگ سبخا بواننت و بلکنت.

دراهیی کدر و روا بزاننت

شه هماچیزان که په درواهیا تاوان دارنت دوری بکننت.



حُست:

دُراهي چه پيدگ داريت؟

پچی مدام و ترا پا که ساتن؟

اگه و ترا ياك مه ساتن چونه بيت؟

پچی شه آوان که وترا پاکه نه ساتنت کسی وشه نه بارت؟

دُراهی وجوړی شه خداوند(ج) مزنین نعمتان انت. شه دُراهی وجوړیا په انسانا وشین سرودل و کاری واک و توک ودیه بیت. مچین انسان په دُراهی وجوړیا اړ اَنت، اگه مردم دُراه مه بیت واک ووسی نه داریت و گون راز رازی سکی و سوریان دیم په دیمه بیت. جوان و خرابین راهها توپیر کرتگه نه کنت.

جوانین عکل و هوش به دُرا و جوړین بدنا انت، پاکی و ستره یی به درواهیی سرا باز تـاثیر داریت پمیشا به پاکی وستره یئ ساتنا بازسوگه کرتگ بوته، هر چنکس به وتی جند وتی گس وتی کوچگ وهلکی پاکیا دلگوش بکنن به هما کچانا وتی دُراهی وجوړیا ساتتگن. اما گندن کسیکه به وتی پاکیاد لگوش داریت دُرا وجوړ انت و مچین شه آیی وشه برنت و گون آیی دیوان و هبره کننت، مگه شه کسیکه و تـرا پاکه نـه ساتیت مردم و شه نـه برنت و شه اوستاتن و نشتنا گون آیی دور یه کننت، انچین کس مردمانی دیما کـدر و رو نه دارنت .



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بئیت و هر ډلی گون وت په دراهی و سلامتیی باروا هبربدیت.
- په جالگی جملانی پوره کنگا دو پسو داتگ بوته، هما که راست انت و دی ورندا به وتی کتابچهان بلکت.
 - شه همایی که و تراپاکه _____ کسی وشه نه بارت.
 - **١** ساتبت
 - **Y** نه ساتىت
 - جوانین عکل و فکر به _____ بدنا انت.
 - **١- هر كسى**
 - ٧- به جوړين
 - اما گندن کسیکه به وتی _____ دلگوش داریت دُرا و جوړانت.
 - ۱- وراک و پاکیا
 - ۲- کارا



سئ وانندگ ای سبخی یک یک بارا یه برزین تواری بوانیت.

۱- چیزیکه انون گشتگه بیت په جوانی بلکت و جای که لازم انت ټک،کامه، سوالیه و ندائيه بلت.

۲- گون چوكاتى تهى گالان جملانا پوره كنت رندا به وتى كتابچهان بلكت وهماكليمى ایشک و آشکا حلغه بگرت که گون جملان جریت.

> ميكروب دنزو يلك سیگار

> > ياكي

په انسانی دراهیا پیدگ داریت.

دوربساتيت.

ياكيا سبز گا دنزويلكا جوانين هوا

انسان باید و ترا شه



هرگجامی شه شما چارکِشک په دراهیی باروابه و تی کتابچهان بلکت و په و تی کهولئ باسكان بوانت.



- چیزیکه انون گشتگه بیت په جوانی بشکنت ورندا جستانی پسوا بگشت.

حُست:

۱- په امی دُراهیا چی پیدگ دارنت؟

۲- په امي دراهيا چې تاوان دارنت؟

۳- بایدوتی دست و دپ و دنتانانا کدین بشودن؟

٤- وتى ناونانا كدين بچنن؟

٥- امئ سرى مود چنكربنت؟

- چیزیکه دیما شه جستان گشتگ بوت سی وانندگ شه بر بگشیت.

- گون ای گالان جمله جوړ کنت.

دُراهي

واک و توک

ديم په ديم

گندن

اوستاتن

- سبخئ ای بهرا ((دراهی و جوړی شه خداوند(ج) مزنین نعمتان انت شه دراهی وجوړیا په انسانا وشین سرودل و کاری واک و توک و دیه بیت)) په رون په برزین تواری بوانت.

موزيم

مخسد:

وانندگ بواننت و بلکنت. موزیم و موزیمی چیزا نادرست کننت. موزیمی کدرو نها دا بزاننت.



کابلی موزیمئ ماړی

حُست:

به برزگی عکسا چیه گندت؟ موزیم چیا شنت؟ به موزیما چه ساتتگه بیت؟ افغانستان به گجام شاران موزیم داریت؟ شه غدیمیین دور و باریی مردمان بازین اثرو وړوړی چیز منتگنت، ای چیز به خاصین ماړی و آباتیانی تها ساتتگه بنت که موزیم گشتگه بیت په ایشی که غدیمی کهنین اثرانی کدر و نهاد بازانت موزیم یا جائیکه ساتتگه بنت باز کدر دارنت.

به موزیمان غدیمیین زر، مجسمه، پچ و پوش، پُر بها بین سنگ و غدیمی دور و زمانگی و پوش، پُر بها بین سنگ و غدیمی دور و زمانگی و پوری اوزار و وسیله ساتتگه بنت و باز مردم په غدیمی چیزانی سیل و ندار گا به موزیما رونت.

افغانستان که شه وت دیریین را جدپتر(تاریخی) و اوند اِنت بازین غدیمیین چیز داریت و هماچیز که تا انون دستا آتگنت به وطنی موزیمان ساتتگه بنت.

به امی عزیزین وطن افغانستان به کابل، غزنی، جلال آباد و هراتی شاران موزیم جوړ بو ته که به آوان غدیمیین پربهایین چیز ساتتگه بنت، غدیمیین چیز و موزیمانی جوانین ساتتن امی مچانی کار انت، موزیم مچین هموطنانی انت.

هماییکه وت سروچیرکایی غدیمیین چیزانا شه گیابانی دک و خرابهان کشیت، چیره دنت و بها کنت گون مچان خیانته کنت، ای کار جُرم زانتگه بیت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بيت و گون وت په موزيمي باروا هبرېديت.
- جالگئ جملانا به وتی کتابچهان بلکت په جملانی پوره کرتنا سئ پسوداتگ بوته هما که جملا پوره کنت و دی و به اور کین جاگها بلکت.
 - شه غدیمیین دور و باریی مردمان بازین ______ چیز منتگنت، ای چیز به خاصین جاگه و آباتیانی تها ساتنگه بنت که موزیم گشتگه بنت.

نکل و آسمانک اثرو وړوړی چيز گله و دانگ

- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په جوانی بلکت و ټک، کامه، سوالیه و ندائیی علامهانا بلت.
 - سئ وانن*دگ* په رون په موزيمي باروا هبربدنت.
- ای جالگئ جملانا به وتی کتابچهان بلکت په هر جملی پوره کرتنا سئ پسو داتگ بوته هما پسوا که راست انت ودی و به جملانی اورکین جاگها بلکت.
 - به امئ عزیزین وطن افغانستان به _____، شاران موزیم جوړ بوته.
 - ١- پروان، فارياب، فراه
 - ۲- کابل ، غزنی، جلال آباد و هرات
 - ۳- نورستان، سمنگان، قندز
 - گون ای گالان جالگی جملانی اورکین جاگهانا پُر بکنت.

سی

غجاغيا

امي

اگه بگندن که کسی غدیمیین چیزانـی _____ کنـت، بایـد زوت پولیسـا _____ کنن و میلن که_____ وطنی دارائیابارت.



ای سبخا به وتی کتابچهان بلکت و په وتی کهولئ باسکان بوانت و موزیمی کدر و نها دا په آوان بگشت.



- چیزیکه انون گشتگه بیت په جوانی بشکنت ورندا جستانی پسوا بگشت.

حُست:

- ۱- کهنین غدیمیین چیز گیشترکی به گجا ودیه بنت؟
- ۲- اگه کسی به وتی هلک و دیاری نزیکا به حاکانی چیرا چیزی گندیت چون کنت؟
 - ۳- پچی غدیمیین چیزانی و تسرین پاچ آورتن جوان نه انت؟
 - ٤- پچی اما کهنین غدیمیین چیزانی شه ډگارا کشتن و بها کرتنی حکانه دارن؟
 - ٥- غديميين كهنين چيز كى مال انت؟
 - سئ وانندگ چيزيکه ديماشه جستان گشتگ بوت يکوار دگه شه بربگشيت.
 - شه جالگئ گالان جمله جوړ کنت.

به موزیمان

غديميين

غديمي

سیل و ندارگا

- سبخی ای بارا ((افغانستان که شه وت دیریین گوستگ و تاریخی و اوند انت بازین غدیمیین چیز داریت، هما چیزیکه تا انون دستا آتگنت به وطنی موزیمان ساتنگه بنت)) په رون په برزین تواری بوانت.

پارلمان

مخسد:

وانندگ بواننت و بلکنت.

پارلمانا درست بكنت.

شه مردمانی نمایندگانی ذمه واریا به پارلمانا سی بنت.



حُست:

يارلمان چيا شنت؟

به افغانستانا په اولی وارا پارلمانی فکر کدی ودی بوت؟ شمی نمایندگ به پارلمانا کی انت؟ نامی بگشت.

پارلمان مردمئ نمایندگانی مجلس انت که به آیی قانون منیتگ و دولتیین کارانی سروپا سرگپتگه بیت و افغانستانی اسلامیین جمهوریی پارلمان ولسی جرگه و مشرانو جرگه انت. به افغانستانا په اولی وارا به شاه امان الله خانی وختا پارلمانی فکر ودی بوت و رندا شه آیی به نادر شاهی سلطنتی و هدا به هجری شمسیی ۱۳۱۱ سالا اولی پارلمان بنیاد اشتگ بوت.

به محمد نادر شاهی سلطنتی و هدا به ۱۳۰۸ سالا عیانی مجلس که ۳۸ باسک داشت کارابنا کرت وسئ سال پدترا دومی مجلس ((ملیین شورا)) جوړ و افغانستان گون دومجلسی دارگاپارلمانی واوند بوت.

سری و هدا افغانستانی پارلمان انتصابی ات نه درگیجگی، وهدی که محمد ظاهر شاه به واکارست افغانستانی پارلمان تا یازدهمی دورا انتصابی اتنت.

ای واری افغانستان رنداشه ۳۰ سالی مړو جنگا گون نوکین نظام و اساسیین قانون جوړبوتنا پارلمانی واوند بوت.

افغانستانی مردم به جمهوریین ریاست و پارلمانیین در گیجگا(انتخاباتا) به وتی وطنی سیاسیین جوړ بندیا بهرزرته ورای داتنی حکی ودی و به ۱۳۸۶ سالی سنبلئ ۲۷ وتی نماینده گانا په پارلمانا گچین کرتنت.

افغانستانی اسلامیین جمهوریی پارلمان دو مجلس داریت که یکی ولسی جرگه و آدگه مشرانو جرگه انت که قانونانی منگ و اجرائیی واکی سرا چاریی دارگی ذمه واریا دارنت به ولسی جرگها ۲۶۹ مردم که شه آوان ۹۸ جنین زاگ و به مشرانو جرگها ۱۰۲ نمایندگ که شه آوان ۳۶ مردم انتصابی انت بهردارنت.

پارلمانی نمایندگ پنچ سال به ملتی گسا انت که رنداشه آیی آوانی کاری دوره آسره ست.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بیت و هر ډلی په پارلمانی باروا گون وت هبر بدیت رنداشه هرډلی یک وانندگی، یگجایین هبرانی نتیجا بگشیت.



- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په شری بلکت و جائیکه لازم انت ټک، کامه، سوالیه و ندائیه علامهانا بلت.
 - جُستانا بشكنت.
 - په اولی وارا به افغانستانا به کی وختا پارلمانی فکر ودی بوت؟
 - په جالگا په ای جستا ۳ پسو داتگ بو ته هما پسوا که راست انت ودی و به دیمی (ص) حرفی بلت.
 - به امیر عبدالرحمن خانی وختا.
 - ۲. به محمد نادر شاهی وختا.
 - ٣. به شاه امان الله خاني وختا.
 - افغانستانی مردم به گجام سالا به جمهوریین ریاست و پارلمانیین در گیجگا بارزرتنت؟ شه جالگی سی جوابا ودی وبه دیمی ص بلکت.

| ۱- به ۱۳۸۰ سالئ جوزای ۱۵ |
|--------------------------|
| ۲- به ۱۳۸۳ سال ثوری ۲۰ |
| ۳- به ۱۳۸۶ سالئ سنبلی ۲۷ |



هروانندگی به وتی کتابچهان چارکِشک په پارلمانی با روا بلکت.

- چیزیکه انون گشتگه بیت په شری بشکنت و رندا جستانی پسوا بگشت.

حُست:

- ۱. به جهانی وطنان چنت رازی پارلمان انت؟
 - ۲. گجام رازی پارلمان گیشتر تاثیر دارنت؟
- ٣. گجام پارلمان به مردمئ لوټگ وارادا به ميانجينا کيت؟
- ٤. به گجام پارلمانا كسانين ټكر، مدنيين جامعه و گل باره زورنت؟
 - ٥. غير دمو كراتيكين پارلمان گجام انت؟
- سئ وانندگ چیزیکه دیماشه جُستان گشتگ بوت یکوار دگه شه بربگشیت.
 - په جالگي گالان يک يک جمله جوړ بکنت و بلکت.

يارلمان

بنياد


مليين شورا

- سبخئ ای بارا ((پارلمان مردمی نمایندگانی مجلس انت که به آیی قانون منیتگ و دولتیین کار چاریی چیرا گپتگه بنت. افغانستانی اسلامیین جمهوریی پارلمان ولسی جرگه و مشرانو جرگه انت)) په رون په برزین تواری بوانت.

غالي گواپي

مخسد:

وانندگ سبخا په جوانی بواننت. وانندگ گون غالی گواپیی صنعتا درستی بنت.



حست:

به رسما چیا گندت؟ شه شما گجام یکین غالیی گوپتنا دیسته؟ غالی گواپ شه چیا دسگ جوړه کننت؟

به عزیزین وطن افغانستانا شه باز غدیما غالی گواپیی صنعت دود بوته و بازین هموطنی به غالی گواپیا مشکول انت و بازولایتان غالی گوپتگه بیت مگه بلخ، آقچه، هرات، فراه و نیمروزی ولایتئ غالی نام و توار دارنت.

بلوچین جنیک و جنین زاگ به غالی گواپیا کاریین ډولی زحمته کشنت، ایش پَسی پشما جوانه شودنت و گون چروجلکا آوانا ریسنت رندا شه رستنا دسگانا چنت رازی رنگه کننت همیکه دسگ رنگ و بریبر بوتنت تئونا ایره کننت و باز ډیلدارو براهدارین غالینه گوپنت.

باز سالان دیما په غالی گواپیی دسگانی رنگ داتنا چگگکی رگ و ریشگانا شه حاکی تها کشتنت و رندا شه ششتنا به غلیبی تها جوان لاړه داتنت و هدی که بـزین رنگ جـوړه بوت دسگانا رنگه کرتنت بلی انونیین و هدا په دسگانی رنگ داتنا هـر رازی رنگ کـه بلوټنت ودیه بیت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- په ای سوجا سئ پسو داتگ بوته هما که راست انت ودی و به دیمی(ص) بلکت. پشمیکه په غالیا بریبره بنت کدین شوشتگه بنت؟
 - دیماشه رستنا شوشتگه بنت.
 - ۲. رندا شه رستنا شوشتگه بنت.
 - ۳. هیچ شوشتگه نه بنت.
- پنچ ډل بیت و هر ډلی گون وت په چر و جلکی باروا هبربدیت رندا شه هر ډلی یک وانندگی چیزیکه شه و تی ډلی نیمگا او شکیته په دگران بگشیت.
 - سبخا بوانت و رندا بگشت غدیما که رنگ نه ات په غالبی دستگانی رنگ داتنا شه گجام چیزا کارگپتگه بوت شه جالگئ سئ پسوا ودی و به دیمی(ص) بلکت.
 - ۱. شه درچکی بن وریشگا
 - ۲. شه جروعلفانی بن وریشگا
 - ۳. شه چگگکی بن وریشگا



- سئ وانندگ په رون سبخئ يک يک بارا په برزين تواري بوانيت.

فعل:

فعل هما کلیمه انت که کار، مردمی و یا چیزی حالتا به یکی شه سئ(۳) زمانگان روش بکنت(گوستگ، انون، آیوک)

چو: شتون- رئين- لو ټين برئين.

- من زی شارا شتون.
 - من شارا رئين.
- من لوټين باندا شارا برئين.

- شما شه برزگی جملان گوستگین زمانگی فعل، انویین فعل و آیو کی فعلا معلوم و رندا فعلی هر سئ زمانگی جملانا به و تی کتابچهان بلکت.

- په جالگئ جملانی اور کین جاگهان په جواني شه ای فعلان گچین کنت.

شتون

رونت

لوټن

برون

من زى شارا _______

مُراد و بیبرگ شارا ______.

اما _____ به آیوکین هپتگا کندهار _____.

- چیزیکه انون گشتگه بیت په جوانی بشکنت ورندا جُستانی پسوا بگشت.

۱- په پشماني رستنا شه چيا کارگپتگه بيت؟

۲- جنک و جنین زاگ غالی گواپیی کارا چه و هدا دیما برنت؟

٣- جنک غالي گواپيا شه کئ هيله زورنت؟

٤- غالى گواپى شه كدى پا دود انت؟

٥- پچي تئون گواپين جنين زاگاني کار ستاي وړانت؟

- سئ وانندگ په رون چیزیکه دیما شه جُستان گشتگ بوت یکواردگه شه بربگشیت. یه ای گالان جمله جوړ کنت و به وتی کتابچهان بلکت

غديما

مشكول

چر

جلک



ای سبخئ اولی بارا به وتی کتابچهان بلکت و په وتی کهولی باسکان بوانت اگه آگیشتر چیزی په غالی گواپیا زاننت بشکنت.

مهماناني عزتداري

مخسد:

- وانندگ بواننت و بلكنت.
- وانندگ مهمانانی عزتداریا بزاننت.
- گون مهمانانی عزت کرتنا خو بگرنت.



جُست:

- ۱ مهمان چیا شنت؟
- ۲- دمیکه شمی گسا مهمانه کیت چونه کِنت؟
- ۳- مهمانی عزتداریی داب شه کدی پا دود انت؟

به امئ عزیزین وطنا شه شاران در به ده وهلکان مهمان جاه و هوتل نـه انـت و همـوطن پـه روچ یا شپی گوازینگا به وتی حکدار و دوستی گسا رونت.

امی مردم، شه مهمانی آتنا، باز وشه بنت، دمیکه به گسا مهمانه کیت گسئ واوند گون پاچین پیشانیی په گل ووشحالی مهمانا وش آتگیه کنت.و کاسی وتی واک و وسا آیی خذمتا کنت.

امی مردم بری سدک و باورا انت که گون مهمانی آتنا به گسئ واوندی پرزونگ وروزیا برکت و دیه بیت و شنت مهمانی روزی گون آیی جندا انت.

اما وتی پس و پیروکانی وړا مهمانداریی رسم و دابا زندگه ساتن و گون مهمانی آتنا بازوشه بن و یه جوانی آیرا خذمته کنن.

ای که اما وتی مهمانی کدرا زانن و آیرا په جوانی عزته کنن به امی خو و مردمگریی سرا جوانین تاثیری داریت، امئ نیکی و جوانین سلوکئ دارگئ جزبگا گیشه کنت و اما گیشتر صبر ودیه کنن، مهمان شه امی ای عزتداریا باز و شه بیت و ای نیکیا به هوشا گیت و امی روزی و نمکی یاسا ساتیت.

به شار و آ جاگهان که هوتل و مهمان جاه انت، امئ هموطن وتی دوست و حکدارا نا پازابه نه کننت په شپ و روچی گوازینگا به مهمانجاه وهو ټلان رونت.



- ای سبخی نوکین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بيت و هر ډلي په مهماني عزتداريي باروا گون وت هبربديت.
 - ای متل و گالوارانا بوانت و به وتی کتابچهان بلکت.
 - مهمان خدای دوست انت.
 - مهمانی روزی گون آیی جندا انت.
 - مهمان وتى روزيا وارت.
 - مهمانی روزی دیماشه آئیه کیت.
 - شه ای جوابان گجام جوان انت.

پچی مهمانی عزته بیت؟

یه کسی عزت داتنا

په دوستي و محبتي بازبوتنا

گجام یکین جوان انت به دیمی (ص) بلکت.

| · · · · | <u> </u> |
|---------|----------|
| | اولى؟ |
| | دوم؟ |
| | هردو؟ |



- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و ندائیه علامهانا بلت.
 - سئ وانندگ په مهمان داري و مهماني عزتداريي باروا هبر بدنت
 - گون ای گالان جالگئ جملانا پوره بکنت.

مهماني

وشه

گسئ واوند

مهمانا

امی مردم، شه _____ آتنا باز ____ بنت. دمیکه به گسا مهمانه کیت ____ گون پاچین پیشانیی په گل ووشحالی ____ وش آتگیه کنت.



ای سبخا به وتی کتابچهان بلکت و په وتی کهولئ باسکان بوانت.



- چیزیکه انون گشتگه بیت په جوانی بشکنت و رندا جُستانی پسوا بگشت.

جُست:

۱- بالاچ و بیبرگ کدی شه شارا سونی گسا رادگ اتنت؟

۲- بالا چا چی تورینت؟

٣- بالاچ چي گشت؟

٤- بيبرگ چي گشت؟

٥- کشارگری و با گداریی حاصل شه چیا رسنت؟

- سئ وانندگ چیزیکه دیماشه جُستان گشتگ بوت په رون یکوار دگه شه بربگشنت.

- په ای گالان جمله جوړبکنت.

پاچين

خذمتا

پرزونگ

- سبخئ ای بارا((امئ مردم، شه مهمانی آتنا، باز و شه بنت، گسئ واوند گون پاچین پیشانیی په گل و وشحالی مهمانا وش آتگیه کنت)) په رون په برزین تواری بوانت.

ويتامين

مخسد:

- وانندگ بواننت بلکنت و ویتامین و آیی پیدگ و کټا بزاننت.
 - شه ویتامینی کمیی تاواناسی بنت.
 - ويتامين دارين چيزانا درست كننت.



حُست:

ویتامین به انسانی بدنا چه اثری داریت؟ ویتامین به چیا ودیه بیت؟ ویتامینی نه رسگ په انسانا چه تاوان داریت؟

ویتامین به انسانی واک وتوک داتن و زندگیی تچ و تاگانی رادگ منتنا باز کدر و اثر دارنت. همیکه انسان وراکی(ورگی)، نیوگ و سبزیه وارت ضرورتی وړی ویتامین په آیه رسنت.

اگه انسان جوانین ورگی، نیوگ و سبزی مه ورات په آیی ویتامینه نه رسیت و کراکرا بی رودار، دل غش ونزوره بیت واگه همی ډول مانیت گون سکین ناجوړ یادیم په دیمه بیت. همائیکه جوان ورگی، نیوگ و سبزیه ورنت زبر ویتامینه گرنت، دُرا وجوړ انت و هروړی کاروتچ و تاگی وسا دارنت. سرآیی که گون علم و زانگی دیما روگا جوانین ډولی ویتامین جوړ کرتگ و به دارو خانهان آورتگه بنت مگه گیشتر په ایشی سوگه بیت که انسان ویتا مینا شه ورگی، سبزی ونیوگا بگیت پمیشا انسان به دگه ورگیانی وارتنی پانادا په سبزی ونیوگانی وارتنا باز دلگو شه کننت.



- ای سبخی نو کین گالانا سیایگ بکنت.
- دو وانندگ په رون نوکين سبخا بوانيت.
- پنچ ډل بيت و هرډلي گون وت په ويتاميناني باروا هبرېديت.
- په جالگئ جملانی اورکین جاگهان شه جدولی تهی گالان که گندت درگیجت و رندا به وتی کتابچهان بلکت

____ یه انسانی واک و توک داتنا یاز کدر داریت.

برسیت ویتامین مه رسیت دُراوجوړ وراک نیوگ سبزی

اگه په انسانا ویتامین ... و پرواک و توک بیت. اگه په انسانا ویتامین ... بی رودار، دل غش و نزوره بیت. ویتامین به وراک، ... ویتامین به وراک، ... و ... بازانت. به ... ویتامین په بها انت که ناجوړانا داتگه بیت.



- سئ وانندگ په رون ای سبخئ یک یک با را په برزین تواری بوانیت.

چه ډولي يا كيفيتي قيد: هما انت كه ډول و كيفيتا روشه كنت چو:

شر- جوان-زبر-وش وش- کرا، کرا

به ای سبخا هما جملا که به آیی کیفیتی قید دیستگه بیت ودی ورندا به وتی کتابچهان بلکت و انچین چنت جمله دگه جوړ و بلکت.

- چیزیکه انون گشتگه بیت په جوانی بلکت و جائیکه لازم انت ټک، کامه،سوالیه و ندائیه علامهانا بلت.
- سئ وانندگ هرگجامی یک یک جوانین ورگیی (وراکی) باروا هبربدنت که گون وارتنی انسان واک و توک ودیه کنت.
 - انون په جالگئ جملي پوره کرتنا لازمين گالانا ودي وبه جاگهي بلکت.

نیوگ سبزی ویتامین

باید بزانن که _____ و ____ هم ویتامین دارنت.



هرگجامی شه شما سئ سئ کشک په ویتامینی باروا به وتی کتابچهان بلکت و په وتی کهولی باسکان بوانت.

- چیزیکه انون گشتگه بیت په جوانی بشکنت ورندا جُستانی پسوا بگشت.
 - ۱. باید چونین وراک(خوت، ورگی) بورن؟
 - ۲. به گوشت، آمورگ و ما کا چی ودیه بیت؟
 - ٣. چې انسانئ بدناپرواکه کنت؟
 - ٤. غنديين چيز به چيوا وديه بنت؟
 - ٥. مسكه، شير، پنيرو نبا تيين روگن چي دارنت؟
 - انیوگ و سوزی چی دارنت؟
- سئ وانندگ په رون چيزيکه ديما شه جُستان گشتگ بوت يکواردگه شه بربگشيت.
 - گون ای گالان جمله جوړ و به وتی کتابچهان بلکت.

رودار

سوزى

دل غش

نیوگ

ورنت

- سبخئ ای بهرا ((ویتامین به انسانی بدنی واک و توک داتن و زندگیی تچ و تاگانی رادگ منتنا باز کدر و رو داریت)) په رون په برزین تواری بوانت.

نسوارئ تاوان

مخسد:

- وانندگ بوانت بلکنت.
- شه نسواری ضرروتا واناسی بنت.
 - شه ای عملا دوری کننت.

حُست:

- نسواری ضررو تاوان چی انت؟
- پچی مردم شه نسواریا بده برنت؟
- نسوار په دُرائيا چه تاوان داريت؟

نسوار جور دارین گندگین چیزی که شه تما کی اورت کرتن و آهکی لـوړ کرتنـا جـوړه بیت و نسواري ای گندگین چیزا به وتی دنتانانی دیما به لنټ ودنتانانی تها کلنت.

نسوار شه گندگین عملان انت. همائیکه گون ای عملا خو گرنت گون وړوړی ناجوړیان آخته بنت مدام آوانی دنتان زرد انت و دپش گندگین بوی دنت. مچین مردم شه نسواریان بده برنت.

کسانین زاگ، نوک ورنا وورنا که وتی مُلک و وطنی براه وزیب انت و آوانی دُرایی و جوړی په ملکا مزنین پیه و سرمایی انت شه مچان گیشتر شه نسوار و دگه عملان که انسانئ شان و عزتا کم و په دُرایی و سلامتیا ضرروتا وانه رسیننت بده برنت همیکه

نسواری یا دگه عملیی را بگندنت شنت ته که وت وتی زندا خرابه کنی شه دگری چه گلگ، پچی وت په وتی دست تاوان و ضرری پداگردی.

امئ ورنا و نوک ورنا زاننت که به نسوار، سیگار، چلیم، تریاک، چرس و دگه عملان و ترا آخته بوتن تباهی انت که مردما زبون و زواله کنت پمیشاوت هم شه ای عملان و ترا دوره ساتنت و تاجائیکه شه وسیش بیت په دگران هم ای عملانی ضرروتا واناگشنت و آوانا منع کننت.



- ای سبخی نو کین گالانا سیایگ بکنت.
- دو وانندگان په رون نوکين سبخا بوانيت.
- پنچ ډل بیت و هر ډلی په نسواری ضرروتا وانـی بـاروا گـون وت هبربـدیت و اولـی ډل جست بکنت و آدگه په واریک یک پسوبدینت.

اولى ډل- جست:

نسوار کرتن چونین عملی انت؟

دومی چل- پسو: نسوار کرتن باز گندگین عملی انت.

اولی ډل – جست: نسواریانی دنتان چونین رنگی دارنت؟

سومی ډل -پسو: نسواریانی دنتان زردو زنگ انت.

اولی ډل- جست: کې دنتان زوت خرابه بنت؟

چارمی ډل- پسو: نسوارياني دنتان.

اولی ډل-جست: نسواریانی دپ چونین بوی دنت؟

پنچمی ډل-پسو: نسواریانی دپ گندگین بوی دنت.



- سئ وانندگ په رون ای سبخی یک یک با را په برزین تواری بوانیت.

- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و ندائیه علامها نا بلت.

- سی وانندگ په رون

اولی په نسواری گندگی

دومی په نسواری ضرر و تاوان

سومی په نسواری دیمگیریی باروا هبربدنت.



هر گجامی شه شما په نسواری ضرروتاوانی باروا سی کشک به وتی کتابچهان بلکت و په وتی کهولئ باسکان بوانت.

- چیزیکه انون گشتگه بیت په جوانی بشکنت و رندا جُستانی پسوا بگشت.
 - ۱. زندگیی باز وشین روچ گجام انت؟
 - ۲. به چیا باید انت دلگوش بکنن؟
- ۳. چه په انسانی ود، مزن بوتن، دُرایی، شان و عزت و مردمگریا کټوک انت؟
 - ٤. گندگين عمل گجام انت؟
 - ٥. اما باید وتراشه چیا دوربساتن و دگرانا هم منع کنن؟
 - سئ وانندگ په رون چيزيکه ديماشه جُستان گشتگ بوت شه بربگشيت.
- په ای جملئ پوره کرتنا یکی شه جالگئ گالان درگیجت و به اورکین جاگها به وتی کتابچهان بلکت.

ورنا شه نسوارا بده برنت و _____ دوره ساتنت.

مردما

زاگانا

وترا

- شه ای گالان جمله جوړ و به وتی کتابچهان بلکت.

گندگین

زرد

بو

کسانین زاگانی حک

مخسد:

- وانندگ بواننت و بلکنت.
- كسانين زاگاني حكانا بزاننت.
- گون کسانین زاگان جوانین سلوکی بکننت.



حُست:

- ۱- کسانین زاگ به آیو کاچیه بنت؟
 - ۲- وطنی آیوک به کئ بستگیت؟
- ٣- ماس و پس ومزن گون كسانين زاگان چونين سلوكي بكننت؟
 - ٤- بايد كسانين زاگ گون وت چونين سلوكي بكننت؟

کسانین زاگ و تی وطنی پیه و سرمایه انت، همی مروچین کسانین زاگ باندی رو چا مزنه بنت، علم و زانگی و اوند بنت و په و تی وطنی ترخی و دیما روگا سرینا بندنت. پس و ماس و دگه مزن باید انت گون کسانین زاگان جوانین سلوکی بکننت آوانی هبر، نظرو پیشنهادانا په جوانی بشکننت و به کاران گون آوان سلا و شو ربکننت، کسانین زاگ که شه پس و ما سا سوجه کننت باید ماس و پس آوانی سوجی پسوا بدینت و گون آوان یه نرمی و وشین تبی هبربدیت.

هرچنکس که کسانین زاگانی کدربیت و آوانی جوانین کار و کوششا رو داتگ بیت آپه کارانی تسر رسینگا گیشتر دلگوشه کننت و گون وهده و وختی گوزگا زانگ و کمالی واونده بنت و گیشترین کار در بریی وسی و اونده بنت.



- ای سبخئ نو کین گالانا سیایگ بکنت.
- دو وانندگ په رون نوکين سبخا بوانيت.

کسانین زاگ

ماس و پس

مزن

- پنچ ډل بيت و هر ډلې په کسانين زاگاني حکاني باروا گون وت هبرېديت.
- شه چوکاتی تها هما کلیمه ایکه په جملی جوړ کرتنا بریبره کیت و دی و رندا پورهین جملا جوړو به وتی کتابچهان بلکت.

باندی روچی مزن انت.

مروچيين

شه ای گالان جالگی جملانی اورکین جاگهانی تها بلکت و آوانا پوره بکنت.

کسانین زاگان

بشكننت

سلا و شور

پس و ماس و دگه مزن باید انت گون _____ جوانین سلوکی بکننت آوانی هبر، نظر و پیشنهادانا په جوانی _____ بکننت.



- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت بلکت و جائیکه لازم انت ټک، کامه، سوالیه و ندائیی علامهانا بلت.
 - سئ وانندگ په رون په کسانين زاگانی کدری با روا هبربدنت.
- په جالگئ جملاني اورکين جاگهان شه اي گالان در گيجت و آوانا پوره بکنت.

ماس وپس

كسانين

سلا و شور

شريكه

اگه _____ گون کسانین زاگان به کاران ____ کننت ___ زاگ و ترابه گسا ____ زاننت و گهتر دلچسپیه گرنت.



ای سبخئ اولی بارا به وتی کتابچهان بلکت و په وتی کهولی باسکان بوانت.

- چیزیکه انون گشتگه بیت بشکنت و رندا جُستانی پسوا بگشت.

حُست:

- ١. شه نيشكرا چه گپتگه بيت؟
- ۲. گُډو بوره ي وارتن ييدگ داريت يا تاوان؟
 - ۳. پچی باید بازوشی مه ورن؟
- ٤. پچى بايد رنداشه و شيى وارتنا وتى دنتانانا بشودن؟
 - ٥. اگه و تى دنتا نانا مه شودن چونه بيت؟
- چیزیکه دیماشه جستان گشتگ بوت، یکوار دگه سئ وانندگ په رون شه بربگشیت.
 - په ای جالگی گالان یک یک جمله جوړ بکنت.

پیه و سرمایه

مروچيين


سرينا

- سبخی ای بارا ((کسانین زاگ و تی وطنی پیه و سرمایه انت، همی مروچیین کسانین زاگ باندی روچا مزنه بنت)) په رون په برزین تواری بوانت.

نكل

مخسد:

- وانندگ بواننت و بلکنت.
- وانندگ نکلانی گشتنا بزورنت.
- معرفه ین ناما درست کننت و نشان داتگ بکننت.



حُست:

- كئ نكليه زانت؟
- گرک و گوکئ نکلا او شکتگت؟

باز غدیمی و ختا کریمداد نام به هلکی زندگیه کرت و یک جوانین شیرین گوکی داشت که شه و تی گوکئ شیران هم و ته وارتنت و هم بها کرتنت ای گوکئ کانټ(شاخ) تچک و تیز اتنت همیکه خشمین بوتین هر کس و هر چیزی که به نزیکی بیاتین آیراگون و تی کانټان جت.

یکروچی به بهارئ موسما کریمداد و تی زاگ مُراداگشت که گوک و گولوا په چرینتنا به رودئ کرا بارت. مُراد ای کارا کرت، گوک و گولو چر تنت مُراد هم چمولی نزه کاورت و هم شیره جت که ناگتا پا درشپی توار بوت.

مُراد گت کرت که آوانی کُچک انت. آیرا توار کرت. به ای و هدا گوک سونی مُراد و ترابه درچکا پناه کرت. گولو هم آیی نزیکا آت، گوک هم آوانی دیما او شتات و و ترا په هلگرا تیار کرت گرک که و ترا نزیک کرتت په ترندی گوکئ سرا هلگر کرت بلی هما دما آنگو کپت. درابوت که گوک آیرا گون و تی کانټان سک پدرد کرته. مُراد گیشتر به درچکانزیک بوت و کوکارکرت. بگرت، میلت که گرکی انت آشکترا بزگری توارئ او شکت په کمکا آت. همیکه گرکئ چم به بزگرا کپت و ترا شورانی تها زیان کرت. وهده که مُراد به گسا آت نکلا په و تی پسا گشت، کپت و ترا شورانی تها زیان کرت. وهده که مُراد به گسا آت نکلا په و تی پسا گشت، کپت و ترا شورانی که مال و مردما نا جنت بلی منه زانتون گوکئ کانټ بی پیدگ نه انت و مروچی اگه گوک گرکا گون و تی کانټان مه جتین گرک باز تاوانه رسینت. هما کانټ مروچی اگه گوک گرکای سوب کرتنت.



- ای سبخئ نوکین گالانا سیایگ بکنت.
- دو وانندگ په رون نو کين سبخا بوانيت.
- پنچ ډل بیت و هر ډلی په ای نکلئ باروا گون وت هبربدیت و آخرا یکی شه شما نکلئ نتیجها په دگران بگشیت.
- په ای جُستا سئ پسوداتگ بوته یکی گچین کنت و رندا به وتی کتابچهان بلکت و اروکین جاگها پرکنت.
 - اگه گوک گرکا گون وتی _____ مه جتین،گرک آیرا تا وانیه کرت.
 - ١. لټکا
 - ۲. کانټا
 - ٣. لگتا



- سئ وانندگ په رون اي سبخئ يک يک بارا په برزين تواري بوانيت

معرفه:

معرفه هما انت که په دیمین مردما (مخاطبا) روش و درا بیت و شه آیی سی داشتگ بیت چو: گه سرا گسابها کرتون و دو کانانا زیتون. یعنی همالوگا که ته شه آیی سی داری بها کرتون و هما دو کانانا که زانی زیتون همی راز مچین ضمیر معرفه انت و خاصین نام هم معرفه انت: اکبر، بالاچ، بیبرگ انون شه سبخا معرفه نامانا معلوم و به وتی کتابچهان بلکت.

- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و ندائیه علامهانا بلت.

- سئ وانندگ چیزیکه شه ای نکلا زرتگیت په رون په برزین تواری بگشیت.
- په ای جستا سئ پسو داتگ بوته راستینا ودی و به جملی اورکین جاگها به وتی کتابچهان بلکت.

دمیکه گرک آت مُراد ______

- جست
- گرکاجت
- وترا به درچکایناه کرت



ای سبخا به وتی کتابچهان بلکت و په وتی کهولی باسکان بوانت و شه برکنت.



- چیزیکه انون گشتگه بیت په جوانی بشکنت و رندا جُستانی پسوا بگشت.

جُست:

۱. بزگرشپ وروچ چیی چم و چاری انت؟

۲. کدین گله رسنت؟

٣. بزگر گله آنا گون چيا دروه کننت؟

٤. رنداشه درو و دسته گا چيه کننت؟

٥. كي كار ستاى وړ انت؟

- سئ وانندگ چیزیکه دیما شه جستان گشتگ بوت شه بریکواردگه بگشیت.

گون ای گالان جمله جوړ بکنت.

غديم

شيريين

كانټ

زاگ

سبخئ ای بارا ((یکروچی به بهارئ موسما کریمداد و تی زاگ مُراداگشت که گوک و گولوا په چرینتنا به وردئ کرا بارت)) په برزین تواری په رون بوانت.

بزانت بلد

| بزانت | گال | بزانت | گال |
|-------------------|-------------|-----------------|---------|
| شاد | گل | مچ. مچين | گِرد |
| غم | گړتی | نفس | ساه |
| بړتن به پکرا شتن | ڔؙٛؠ | زیبه دنت | برازيت |
| عضو، بهر | باسك | ای رازی، ای وړی | انچين |
| سكته كرتن | دلى اوشتاتن | دربارا | در گها |
| ډډ و ابات | پزور | دیما روگی | ترخى |
| ادبیات | لبزانك | بدی | گندگی |
| هنرمند(شئر جن) | فن كار | آزار | پازابی |
| اولادن، پسگ ان | بچن | شکل، چهرگ | دروشم |
| جامعه | راج | واكا | كدرتا |
| سو تن | داگ داتن | بيتوارى | كرار |
| بنگله و ماړيا | كلاتا | ورگى، وراك | روزی |
| آزاتی | آجويى | اندازه،حد | کچانه |
| جتایی، دوری | نپاک | مچين | تيو گين |
| بلوچيي ولسين شئير | ليلاړو | مچين | دراین |
| ננ ננ ננ | هالو | امر | رمان |
| ננ ננ ננ | لولى | چنکئ کپ | مُټ |

| بزانت | گال | بزانت | گال |
|-----------------|------------|-----------------|------------|
| الاس كرت | دربرت | گونډکيا | كسان ساليا |
| آسر، گلهسر | پا | جیړه یی | جنگره |
| خط | كشك | پازاب کرتن | جورينگ |
| نیک نام | وشنام | جتن | لټ و کټ |
| مر کز | بنجا | هما كتره | هما دما |
| سرونا | برزسرا | بی هوش کرت | شموشت |
| پادونا | جالسرا | عادت | تب و خو |
| بنگیج، اساس | بنياد | کتره که | دمیکه |
| گور وپتنی | گوروپاناد | وراك، خوت | ور گی |
| هماپل که هلمندی | ابریشمی پل | پام کرتن | دلگوش كرتن |
| رودی سرا زرنجی | | | |
| شاری روچ نشتنا | | | |
| انت | | | |
| تجاری | سوداگری | حامگین چرپی | پیگ |
| بخشاتن | بهیل کرتن | مردماني نماينده | پارلمان |
| | | گانی دیوان | |
| تام، خوند | مز گ | بنگیج | بنياد |
| بدل | بير | خط | كِشك |

| بزانت | گال | بزانت | گال |
|------------------|----------|----------------|------------|
| نیک نام | وشنام | ورگیین چیز | كَشك |
| شاخ | کانټ | اوست، واهگ | لوټگ |
| اورتين دار ولټ | چمولی | نظری چیرا | چاریی چیرا |
| بت، مرگی که آپی | آپی مُرگ | دود ورواج | رسم و داب |
| تهاروت. | | | |
| نشتت | زئنډتت | نيكين سلوك | مردمگری |
| واقعه، دپ دیگ | حال | عزت داشتن | پاس داشتن |
| متحدين | تپاکین | چی وختی | کدی |
| کسیکه گندیت | گندو ک | جوانين تب | وشین تب |
| كسيكه كوشكنت | اوشكنوك | ارزشت، رو | كدر |
| تالان و ئنک کرتن | شینگ | کاری دیما برتن | کار دربری |
| ساری که شه یکی | گرو ک | دارایی، بن مال | ييه |
| دگری راگیت | | | |
| گروک و چُرخ | بلو ک | پسان | کنډی |
| بازین مال و پیه | گنج | دوستی، میل | حُب |
| زيب | براه | شُردین ورگی شه | بټ |
| | | آرتا | |
| یات گپتن | ایل زرتن | چټتن، چټگ | چټ |

| بزانت | گال | بزانت | گال |
|----------------|-----------|----------------|----------|
| جنگل، بازين | بش وزول | ضرورت | اړ |
| درخت | | | |
| نسل | نبیر گ | جوړي، سلامتي | دروایی |
| براه و زیب | ډيل | كدر | رو |
| ورگین چیز | وراك | کهنین چیزانی | موزيم |
| | | ساتنی جاگه | |
| بی واک، بی نزگ | بی رو دار | دیروخت، گوستگ | غديمي |
| بي واک | نزور | ازباب و وسیله | اوزار |
| زهردار | جوردار | سيل | ندارگ |
| راز رازی | وړ وړی | تاريخ | راج دپتر |
| سزا دنت | جورينيت | اجتماعيين | سما جيين |
| دل | زرد | چوټ | رد |
| ظلم و زورانسری | بی توری | گندگ | ناوړ |
| مردم | استمان | کار گرگ | كارمرز |
| ننگ و غیرت | لج و ميار | اولاد | ڽؙڛڰ |
| به کوهان مزنین | گټ | زندگیی جاگه | هنکین |
| کُرم | | | |
| مشكول | گټ | گون دنتاناگپتن | گټ |

| بزانت | گال | بزانت | گال |
|------------------|-------|----------------|----------|
| لاخ، سنگ | זאר | گردن، گټا گپتن | ػؙؙؾ۪ |
| سره وارت، بريبره | جُړيت | گچین بکنت، وش | در گیجیت |
| کیت. | | بكنت | |
| غالی و کونټ به | تئون | دیریین گوستگ | غديم |
| گوپتنی وختا | | | |
| پشم و مودی رستنی | چر | جک دارین بتگی | چگگک |
| وسيله | | که غدیما شه | |
| | | ریشگی جوش | |
| | | داتنی رنگ جوړه | |
| | | کرتنت. | |
| | | پشمی و مودی | جَلَک |
| | | رستنى وسيله | |

بن چمگ

- بلوچیئ زوان راهبند، ع. پهوال ۱.۱.ج علومی اکادمی هجری شمسیی ۱۳٦۲ سال.
 - بلوچیئ متل گالوار. نزار و پولکار ولی محمد رخشانی.
 - بلوچيئ گالبند، ع. پهوال.
 - سید گنج "سید هاشمی".
 - براهدارین پل شه بلوچیئ لبزانکئ باگا. ع. پهوال هجری شمسیی ۱۳٦٦ سال.
 - بلوچى بوانيں عبدالكريم "راجى".

معارفي ترانه

پادبیت مزن و گونډ په نپ و کار معارف

آبات بساتت درو دیــوار معـارف

بتراكينت دلانا بكنت حيون جكيرانا

شـاداب بساتت گل و گلزار معارف

حون بنت دل وکپ جگر و چم بنت کور

<mark>باکی نی که س</mark>بز مانیت چمن زار معارف

مـا علمي گنوک و <mark>ادبي اشخي جنوکن</mark>

يـروا، نه انت ما را چه شنززار معـــارف

يـــروانه سيت هستن و پــروانه ډولا

سوچـــن يروبالا ناكـــون نار معارف

مــا تنگ و گټ هشک و هينار زوانن

كــورن يمــا چمگ و ابشار معارف

اپسوز کـه هست "سرمچار" یک نپسی ترا

کمنت کـــه بکنی ندر بدر بار معـارف